

直隸秦州新志

第十三冊

卷之十二上

雜記  
假號  
酷吏  
佞幸  
不臣  
宦豎

直隸秦州新志卷之十二 上

雜記

記卽志也既志矣又何記曰雜也雜則可勿志然不可不記也何以謂之雜駁而不純也如色然純乎青者謂之青純乎黃者謂之黃純乎赤白黑者謂之赤白黑如味然純乎甘純乎酸鹹純乎辛苦者謂之甘酸辛苦鹹如聲然純乎宮徵商羽角者無論矣其有不純則雜也然聲不雜不能以成樂色不雜不能以成章味不雜不能以適口故曰物

直隸秦州新志

卷之十二 雜記上

一

相雜謂之文然則雜可不記乎今之記者何雜也蓋記之名倣於史左史記言右史記動也夫史兼褒貶而志惟揚善故雜記之類諸志闕焉今若就志以爲志則雜誠可勿記顧此志非惟錄夫志蓋多取之史者史有其事雖雜可勿記耶且善可勸惡亦可懲也必兼二者而義始備惟是其人其事欲以附於所部之列則弗倫故雜而記之云爾志雜記第十二嘗考歷史惟晉書有載記以載竊據諸雄獨李暠附列傳之末者原其心彼固取之涼

未嘗壞之晉也且晉書成於唐文皇之手唐固其  
苗裔也然且用以殿一代諸臣其去載記一間耳  
豈義有所弗忍亦有所不敢歟茲則無分軒輊而  
統謂之假號卽以爲雜記之首云次僞官從其類  
也繼之以不臣懲跋扈惡姦邪也次酷吏異循良  
也而貪墨者附焉其害民若同惡相濟也若佞人  
之宜遠與宦者之不可假以官直書而義見史氏  
之舊文也至於西戎氏羗世爲邊患雖其事概見  
武備中然或有一姓而綿歷數朝者歷叙之興衰

直隸秦州新志

卷之十一

雜記上

二

可觀也乃若仙釋者流游於方之外則亦以方外  
待之不參正傳也曰幻異近仙釋家言也曰叢談  
雜記之涯歸也客有問予者曰叢與雜異乎曰無  
異談與記異乎曰異曷異爾記者統其類談者舉  
其餘也部所不能列者而記該之類所不能分者  
而談舉之耳夫旣談則無妨錯出其事與互見其  
詞故視他轉詳焉非詳於雜而略於正也正者爲  
體例之所拘雜則非多端不備也客曰唯遂書以  
弁之

假號

漢

隗囂字季孟天水成紀人少仕州郡王莽國師劉歆引囂爲士歆死囂歸鄉里季父崔素豪俠能得衆聞更始立而莽兵連敗乃與兄義及上邽人楊廣冀人周宗謀起兵應漢謂囂素有名好經書遂共推爲上將軍囂以平陵人方望爲軍師用其言立高祖太宗世宗廟稱臣奉祀移檄郡國數莽不道稱漢復元年勒兵十萬擊殺雍州牧陳慶攻安定大尹王向降其

直隸秦州新志

卷之三 雜記上

三

衆徇隴西武都金城武威張掖酒泉敦煌皆下之更始二年遣使徵囂至長安以爲右將軍崔義欲叛歸囂懼禍以告更始誅之以囂爲御史大夫明年光武卽位河北囂說更始歸政光武不聽與諸將謀劫更始事覺亡歸天水復據故地自稱西州上將軍更始敗三輔士大夫皆歸囂囂謙恭愛士領身接引名震西州建武二年鄧禹擊赤眉裨將馮愔叛禹向天水囂擊破之禹承制以囂爲西州大將軍赤眉欲上隴囂又擊敗之乃上書詣關光武報以殊禮言稱字用

敵國之儀所以慰藉之良厚囂復遣兵佐馮異擊走  
呂鮪遣使上狀帝報以手書恩禮愈篤時關中將帥  
數上書言蜀可擊帝以示囂因使討蜀以効其信囂  
不行初囂與來歙馬援相善帝數使歙援勸令入朝  
乃遣長子恂隨歙詣關封鐫羌侯而囂將王元說之  
曰天水完富士馬最強北收西河上郡東收三輔案  
秦舊迹表裏山河之險以一丸泥爲大王東封函谷  
關圖王不成其弊益足以霸囂心然元計於是游士  
長者稍稍去之帝積苦兵間以囂子內侍公孫述遠

直隸秦州新志

卷之五

雜記上

四

據邊陲乃謂諸將曰且當置此兩子於度外耳會公  
孫述遣兵寇南郡乃詔囂當從天水伐蜀因此欲以  
潰其心腹囂上言白水險阻棧閣絕敗又多設支閣  
帝知其終不爲用叵欲討之遂西幸長安遣耿种等  
七將軍從隴道伐蜀先使來歙奉璽著喻旨囂疑懼  
使王元據隴坻侵三輔馮異等擊破之囂乃上書謝  
有司以囂言慢請誅其子帝不忍復使來歙至并賜  
囂書囂知帝審其詐遂稱臣於公孫述述以囂爲朔  
寧王遣兵往來爲之援執帝因令來歙以書招王遵

遵與家屬詣京師帝乃率諸將西征之數道上隴使  
王遵持節監吳漢留屯於長安遵以書喻牛邯歸命  
洛陽於是囂大將十三人屬縣十六衆十餘萬皆降  
王元入蜀求救囂將妻子奔西城從楊廣而田弇李  
育保上邽詔告之終不降於是誅其子恂使吳漢岑  
彭圍西城耿弇蓋延圍上邽車駕東歸數月王元等  
將蜀救兵五千餘人卒至夾圍殊死戰遂得入城迎  
囂歸冀於是安定北地天水隴西復反爲囂九年春  
囂病且餓出城餐糗糲精悲憤而死王元周宗立囂少

直隸秦州新志

卷之三

雜記上

五

子純爲王明年來歙取弇蓋延等攻破落門純降

舊志

又有盧芳假名劉文伯煽誘羌胡爲亂後降漢  
復叛入匈奴死史稱芳安定三水人今削不載

晉

南陽王司馬保字景度少有文義好述作父模永嘉  
初都督秦雍梁益諸軍事代河間王顥鎮關中立保  
世子表爲西中郎將東羌校尉鎮上邽秦州刺史裴  
苞距之模遣將攻邽苞安定太守賈疋以郡迎苞模  
又使擊走疋會劉聰使其子榮攻長安模兵敗遇害  
保在上邽得立賈疋死裴苞爲張軌所殺保全行秦

州之地自號大司馬承制置百官隴右氏羌並從之涼州刺史張實遣使貢獻及愍帝卽位以保爲右丞相都督陝西諸軍事愍帝之蒙塵也保自稱晉王時上邽大饑士衆窘困保將張春奉保之南安復奔桑城將投於張實實使兵迎保實禦之也是歲薨年二十七保體質豐偉嘗自稱重八百斤無子張春立司馬瞻奉保後陳安攻春瞻降于安送劉曜殺之安奉保喪以天子禮葬於上邽謚曰元

陳安隴人初爲南陽王司馬模帳下都尉模使之率直隸秦州新志

卷之三

雜記上

六

衆攻裴苞苞奔安定模之敗也安歸于保保命統精勇千餘人以討羌寵遇甚厚保將張春等秦安有異志請除之保不許乃伏刺客以刺安安被創馳還隴城遣使詣保貢獻不絕及保奔南安安自號秦州刺史稱藩于劉曜請朝曜以疾辭安意其死也遂大掠而歸獲曜將呼延實及長史魯憑安囚實而謂之曰劉曜已死孤當與足下終定大業實叱安曰狗輩汝前背司馬保今復如此不久梟首上邽通衢何謂大業安怒殺之西州氏羌悉從安安士馬雄盛衆十餘

萬自稱涼王魯憑對安大哭曰吾不忍見陳安之死也安又殺之曜聞憑死嘆曰賢人者天下之望也安於招賢採哲之秋而害君子絕時望吾知其無能爲也太寧元年曜親征圍安于隴城安留楊伯支姜冲兒等守隴帥騎數百突圍而出欲南走陝中曜使其將平先追之與鬪於陝中安左手奮七尺大刀右手執丈八蛇矛近交則刀矛俱發輒害五六遠則雙帶韃服左右馳射而走平先亦勇捷如飛與安搏戰三交奪其蛇矛而退日暮雨甚安棄馬與五六人步踰直隸秦州新志

卷之三

雜記上

七

山嶺匿於溪澗會連雨始霽輔威呼延清尋其徑迹斬安于澗曲楊伯支斬姜冲兒以隴城降宋亭斬趙募以上邽降徙秦州大姓楊姜諸族二千餘戶于長安氏羗悉下

楊茂搜本姓令狐楊駒之甥略陽清水氏人也初楊駒始居仇池有地百頃其孫千萬附魏封爲百頃王千萬孫飛龍寢盛徙居略陽以其甥令狐茂搜爲子茂搜避齊萬年之亂率部落還保仇池自號輔國將軍右賢王關中人避亂者多依之尋卒子難敵遂據



其地建興元年寇陷梁州二年爲張威所逐降于李成永昌元年劉曜親征氏羌難敵率衆距逐降于李保仇池仇池諸氏羌多降于曜曜又進攻仇池屬病甚議欲班師恐難敵躡其後乃使人說難敵難敵遣使稱藩曜大悅以難敵爲上大將軍武都王尋稱仇池王及陳安敗難敵內懷疑懼奔于漢中曜以田崧爲益州刺史鎮仇池難敵自漢中還襲仇池剋之執田崧立之於前叱令拜崧顧排一人取其劍前刺難敵不中爲難敵所殺難敵遂復據仇池後卒子毅嗣

直隸秦州新志

卷之三

雜記上

八

遣使稱藩于晉咸康二年楊初殺毅降趙永和三年初遣使稱藩于晉晉以初爲雍州刺史仇池公卒楊世嗣晉以爲秦州刺史世卒楊纂立咸安元年苻秦伐仇池克之執楊纂以歸

楊氏詳後羌戎茲載茂搜從省志也

苻洪字廣世略陽臨渭氏人也其先蓋有扈之苗裔世爲西戎酋長始其家池中蒲生長五丈五節如行形時咸謂之蒲家因以爲氏焉父懷歸部落小帥先是隴右大雨百姓苦之謠曰雨若不止洪水必起故因名曰洪好施多權略驍武善騎射屬永嘉之亂乃

散千金名英傑之士訪安危變通之術宗人蒲光蒲  
突遂推洪爲盟主劉曜僭號長安光等逼洪歸曜拜  
率義侯曜敗洪西保隴山石虎將攻上邽洪又請降  
虎大悅拜冠軍將軍委以西方之事虎死洪有衆十  
餘萬遣使降晉穆帝以爲征北大將軍時有說洪稱  
尊號者洪亦以讖文有草付應王又其孫堅背有艸  
付字遂改姓苻氏自稱大將軍大單于三秦王洪謂  
博士胡文曰孤率衆十萬居形勝之地冉閔慕容儁  
可指辰而殄姚襄父子克之在吾數中孤取天下有  
直隸秦州新志

卷之十一

雜記上

九

易於漢祖初石虎以麻秋鎮枹罕冉閔之亂秋歸鄴  
洪使子雄擊而獲之以秋爲軍師將軍秋說洪西都  
長安洪深然之旣而秋因宴鴆洪將并其衆世子健  
收而斬之洪將死謂健曰所以未入關者言中州可  
指時而定今見困豎子中原非汝兄弟所能辦關中  
形勝吾亡後便可鼓行而西言終而死年六十六健  
僭位僞謚惠武帝

苻健字建業洪第三子也初母羌氏夢大羆而孕之  
及長勇果便弓馬好施善事人洪死健嗣位旣而自

稱晉征西大將軍盡衆西行遂克長安僭稱天王大單于明年僭稱帝後置來賓館於平朔門以懷遠人起靈臺於杜門與百姓約法三章薄賦卑宮垂心政事優禮耆老修尙儒學而關右稱來蘇焉健立四年死子生立無道苻堅弑而代之

苻堅字永固一名文玉健弟雄之子也初洪從石虎徙鄴家於永貴里其母苟氏嘗游漳水祈子於西門豹祠其夜夢與神交因而有孕十二月而生堅焉有神光自天燭其庭背有赤文隱起成字曰艸付臣又

直隸秦州新志

卷之三

雜記上

十

土王咸陽臂垂過膝目有紫光洪竒而愛之名曰堅頭年七歲聰敏好施舉止不踰規矩每侍洪側輒量洪舉措取與不失機侯洪每曰此兒姿貌瓌偉質性過人非常相也高平徐統有知人之鑒遇堅於路下車屏人密謂之曰苻郎骨相不恒後當大貴比長博學多才藝有經濟大志要結英豪以圖緯世之宜旣代生僭稱大秦天王以王猛爲侍中中書令京兆尹其特進強德健妻之弟也昏酒豪橫爲百姓之患猛捕而殺之陳尸於市其中丞鄧羗性鯁直不撓與猛

協規齊志數旬之間貴戚強豪誅死者二十有餘人  
於是百寮震肅豪右屏氣路不拾遺風化大行堅歎  
曰吾今始知天下之有法也天子之爲尊也於是遣  
使巡察四方及戎夷種落州郡有高年孤寡不能自  
存長史刑罰失中爲百姓所苦清修疾惡勸課農桑  
有便於俗篤學至孝義烈力田者皆令具條以聞僭  
位五年鳳皇集於東闕堅廣修學宮召郡國學生通  
一經以上充之公卿已下子孫並遣受業其有學爲  
通儒才堪幹事清修廉直孝悌力田者皆旌表之於

直隸秦州新志

卷之十一

雜記上

十一

是人思勸勵號稱多士盜賊止息請託路絕田疇修  
闕帑藏充盈典章法物靡不悉備堅親臨太學考學  
生經義優劣品而第之問難五經博士多不能對自  
是每月一臨太學諸生競勸焉已而滅燕取蜀漢破  
仇池降楊纂破涼州降張天錫念更取江南便一統  
銳意伐晉子弟羣臣皆諫不可惟姚萇慕容垂勸之  
已伐晉敗歸慕容垂請撫東方遂叛慕容冲反攻人  
阿房姚萇叛於北地堅出避兵五將山爲姚萇弑於  
新平佛寺

苻登字文高堅族孫也少有壯氣不修細行長而折節謹原頗覽書傳苻堅時毛興鎮上邽請以爲司馬登度量不羣好爲竒略興內服焉然敬憚而不能委任姚萇作亂遣其弟碩德率衆伐毛興相持久之興將死衆推衛平已又以平年老推登代之遂專統征伐是時歲旱衆饑道殣相望登每戰殺賊名爲熟食謂軍人曰汝等朝戰暮便飽肉何憂於饑士衆從之噉死人肉輒飽健能鬪姚萇聞之急召碩德曰汝不來必爲苻登所食盡碩德於是下隴奔萇已聞苻丕

直隸秦州新志

卷之七

雜記上

七

死登於是僭卽帝位立堅神主於軍中載以輜輶羽葆青蓋車建黃旗武賁之士三百人以衛之繕甲纂兵將引帥而東乃告堅神主曰昔五將之難賊羌肆害于聖躬實登之罪也今合義旅衆餘五萬精甲勁兵足以立功年穀豐穰足以資瞻卽日星言電邁直造賊庭奮不顧命墮越爲期因歔泣涕將士莫不悲慟皆刻鉞鎧爲死休字示皆以戰死爲志每戰以長稍鉤刃爲方圓大陣知有厚薄從中分配故人自爲戰所向無前八九年間凡百十戰互有勝負後姚

萇死復與萇子興再戰兵敗爲興所殺

胡可泉曰萇

獨此數人若健世子苻萇若揚武將軍苻菁若在將軍苻雅若豫州牧苻暉皆以武略著名當時使秦居中州能以服事晉則諸苻未必非亂臣也

李特字元休略陽氏也少仕州穉見異當時身長八

尺雄武善騎射沉毅有大度元康中氏齊萬年反關

西擾亂頻歲大饑百姓乃流移就穀相與入漢川者

數萬家特隨流人將入於蜀至劍閣箕踞太息顧眄

險阻曰劉禪有如此之地而面縛於人豈非庸才邪

已而入蜀永康初益州刺史趙厥反特弟庠等歸之

直隸秦州新志

卷之三

雜記上

三

厥忌庠威名害之特攻殺厥遂有雄據巴蜀之意朝

廷以討厥功拜特宜威將軍會刺史羅尚等急督流

人北歸流人相與詣特特結大營以處之尚等襲特

營特敗之遂自請依竇融故事行鎮北大將軍傳其

子孫僭號據蜀凡四十餘年

按特爲廩君苗裔而魏武遷其祖於略陽則亦

略陽氏也秦安志多載苻氏而獨不及特今略爲補著之又仇池氏楊氏南齊書謂其與苻氏同出略陽

亦宜著之而魏書謂其世居岐隴以南漢川以西在武都郡又非略陽也故從略營志又有閭式言式天

水人考式事在特傳特是略陽氏未言式是天水人也謹從闕疑

李雄字仲儁特第三子也母羅氏夢大蛇繞身孕十

四月而生少以烈氣聞有術士每謂人曰關隴之士皆當南移李氏子中惟仲儒有奇表終爲人主特承制以爲前將軍後雖據蜀僭號嘗與涼州張駿共尊晉室凡立王十年性寬厚簡約刑法甚有名稱

呂光字世明生之夜有神光因名曰重瞳肘有肉印十歲遊戲畫爲戰陣諸兒咸推爲主部分之光沉毅凝重寬簡有大量喜怒不形於色王猛見而異之曰此非常人舉賢良除美陽令夷夏愛服遷鷹揚將軍從王猛征討威名大著遷步兵校尉苻堅授先使持

直隸秦州新志

卷之十一 雜記上

十四

節都督帥衆七萬以討西域所經諸國無不降附光至龜茲王帛純拒之光左臂脉起成文曰巨霸營外夜有黑龍之祥光喜進攻龜茲城西諸胡救者七十餘萬人皆便弓馬善矛鎗射不可入光乃結爲勾鑊之陣戰於城西大破之帛純逃去王侯降者十餘國光入其城諸胡貢款屬路光撫寧西域威恩甚著龜茲旣平光有留志鳩摩羅什勸之東還光至姑臧涼州刺史梁熙拒光光執而殺之因自署護羌校尉涼州刺史聞苻堅被害光奮怒哀號三軍

皆縞素乃自稱使持節大都督大將軍涼州牧酒泉公時麟見金澤縣光以爲瑞乃僭稱三河王建號麟嘉遣使朝貢署官自丞郎已下皇始初僭稱天王置百官是爲後涼

李暲字元盛小字長生隴西成紀人漢前將軍廣之十六世孫也高祖雍曾祖柔仕晉竝歷位郡守祖弇仕張軌爲武衛將軍安世亭侯父昶幼有令名早卒遺腹生暲少而好學性沉敏寬和美器度通涉經史尤善文義及長頗習武藝誦孫吳兵法嘗與呂光太直隸秦州新志

卷之十一

雜記上

十五

史令郭麐及其同母弟宋繇同宿麐起謂繇曰君當位極人臣李君有國士之分家有騶草馬生白額駒此其時也呂光末京兆段業自稱涼州牧以敦煌太守趙郡孟敏爲沙州刺史署暲效穀令敏尋卒敦煌護軍馮翊郭謙沙州治中敦煌索僊等以暲溫毅有惠政推爲寧朔將軍敦煌太守是初難之會宋繇仕於業告歸敦煌言於暲曰允忘郭麐之言邪白額駒今已生矣暲乃從之尋進號冠軍稱藩于業業以暲爲安西將軍敦煌太守領護西胡校尉及業僭稱涼



王分敦煌之涼興烏澤晉昌之宜禾三縣爲涼興郡  
進曷持節都督涼興已西諸軍事鎮西將軍領護西  
夷校尉時有赤氣起於曷後園龍跡見於小域隆安  
四年晉昌太守唐瑤移檄六郡推曷爲大郡督大將  
軍涼公領秦涼二州牧護羌校尉曷乃赦其境內建  
年爲庚子追尊祖父母建置官僚設武威太守等官  
以招懷東夏又遣宋繇東伐涼興并擊玉門已西諸  
城皆下之遂屯玉門陽關廣田積穀爲東伐之資仍  
於南門外臨水起堂名曰靖恭之堂以議朝政閱武

直隸秦州新志

卷之五

雜記上

六

事圖讚自古聖帝明皇忠臣孝子烈士貞女曷親爲  
序頌以明鑒戒之義當時文武羣寮亦皆圖焉又立  
泮宮增高門學生五百人起嘉納堂於後園以圖讚  
所志義熙元年曷改元爲建初遣舍人黃始梁興間  
行奉表詣關已而漸圖東征遷都酒泉作手令戒其  
諸子親率騎二萬略地至於建東鄯善前部王遣使  
貢其方物且渠蒙遜來侵至於建康掠三千餘戶而  
歸曷大怒率騎追之及於彌安大敗之盡收所掠之  
戶以前表未報復使沙門間行奉表曷初爲羣雄所

奉遂啟霸圖兵無血刃坐定千里意謂河西十郡歲月可一旣而禿髮傳檀入據姑臧且渠蒙遜基宇稍廣於是慨然著述志賦旋臥疾薨謚武昭子歆嗣累敗蒙遜兵朝廷拜歆鎮西大將軍後爲蒙遜所滅歆弟讓自嵩在時假定朔將軍燉煌太守弟恂皆爲敦煌太守有惠政歆之敗棄郡而奔嵩故將逐蒙遜所置密信招恂推爲冠軍將軍涼州刺史蒙遜遣世子德政率衆攻恂恂閉門不戰蒙遜自率衆二萬攻之三面起堤以水灌城恂遣壯士一千連版爲橋潛欲直隸秦州新志

卷之三

雜記上

七

决堤蒙遜勒兵逆戰屠其城次子翻翻子寶入元魏  
歷世有名蹟

乞伏國仁隴西鮮卑人其先如弗自漠北南出五代祖祐隣并兼諸部部衆漸盛父司繁擁部落降于苻堅堅以爲南單于鎮勇士川甚有威惠司繁卒國仁代鎮堅伐司馬昌明以國仁爲前將軍國仁叔步頽叛於隴西堅遣國仁還討之步頽大悅迎國仁于路國仁曰苻氏妄竊名號窮兵極武違天怒人將何以濟且物極則虧禍盈而覆者天之道也是役也難以

免矣當與諸君共成一方之業及堅敗乃招集諸部衆十餘萬太元十年自稱大都督大將軍秦河二州牧號年建義署置官屬分部內爲漢陽天水略陽等十二郡築勇士城以居之苻登立以國仁爲大單于苑川王在位四年僞謚宣烈

乾歸國仁弟雄武英傑沉雅有度量國仁死子公府幼衆推乾歸爲河南王改元太初遷于金城聲振邊服休官吐谷渾諸部並率衆降隴西太守越質詣歸以平襄叛亦擁衆降之隆安四年所居南景門崩惡

直隸秦州新志

卷之主

雜記上

六

之遂遷於苑川姚興將姚碩德率衆伐之興潛師繼發爲興所敗乃奔允吾復奔長安興以爲河州刺史入朝留之子熾磐起兵叛秦乾歸聞之自秦逃歸命熾磐鎮苑川自率衆遷于度堅山稱秦王改元更始義熙六年復都苑川攻秦略陽南安隴西皆克之後又徙譚郊爲兄子公府所殺立二十四年

熾磐乾歸長子勇略過人殺公府而自立改元永康每稱秦王置百官又改年建洪在位七年而宋氏受禪以宋元嘉四年死子慕末立

慕末熾磐第二子嗣偽位改年永洪政刑酷濫部民怨之後爲赫連定所逼請迎於元魏魏許以安定以西平涼以東封之慕末乃焚城邑毀寶器率衆至南安爲赫連定所困遂率宗族五百餘人降送於上邽元魏

莫折念生秦州城人其父太提於正光五年六月據城反自稱秦王殺刺史李彥詔南秦州城人張長命韓祖香孫掩殺刺史崔遊以應之太提遣城人卜朝襲殺高平鎮將赫連略行臺高元榮太提尋死念生

直隸秦州新志

卷之三

雜記上

九

代立僭稱天子號年天建置立百官遣其都督樊元張朗楊伯年等攻仇鳩河池二戍東益州刺史魏子建遣將擊之斬樊元念生遣其兄高陽王莫折天生下隴東寇復遣都督竇雙攻盤頭郡魏子建斬之天生攻陷岐州高平人殺卜朝魏子建招降南秦氏民復六郡十二戍斬韓祖香而張長命降於蕭寶寅念生遣兵攻涼州城人復應之明年蕭寶寅大破秦賊於黑水天生退走入隴西而涇及隴東悉平念生又遣楊鮪梁下辯姜齊等攻仇池郡子建擊斬下辯齊

念生更遣杜光攻仇池子建復斬之天生請降蕭寶  
寅使行臺左丞崔士和入據秦州天生復叛送士和  
於胡琛殺之胡琛以天水人呂伯度爲大都督秦王  
資其士馬還征秦州大敗念生將杜粲於成紀遂至  
顯親念生率衆身自拒戰又大敗朝廷授伯度涇州  
刺史平秦郡公孝昌二年九月念生爲其將常山王  
杜粲所殺合門皆盡粲據州降于蕭寶寅

唐

薛舉蘭州金城人武敢善射好結納邊豪爲雄長隋

直隸秦州新志

卷之三

雜記上

三

大業末任金城府校尉會歲凶隴西盜起金城令郝  
瑗將討賊募兵數千檄舉將始授甲大會置酒舉與  
子仁杲及其黨劫瑗于坐矯稱捕反者卽起兵囚郡  
縣官發粟以賑貧乏自號西秦霸王建元秦興更招  
附餘盜剽馬牧兵鋒銳甚所過皆下不闕旬盡有隴  
西地僭帝號于蘭州使仁杲克秦州徙都之軍益張  
號二十萬將窺京師會高祖入關遂畱攻扶風秦王  
擊破之逐北至隴還舉踰隴走武德元年掠岐豳  
秦王禦之次高塘度舉糧少利速鬪堅壁老其兵行

軍長史劉文靜殷開山觀兵於高墉恃衆不設備舉  
掩其後遂大敗死者十六王還京師舉拔高墉將乘  
勝直趨長安方行而病名巫占視言唐兵爲祟舉惡  
之未幾死仁杲代立僞謚武皇帝未葬而仁杲滅

仁杲多力善騎射軍中號萬人敵性賊悍初舉每破  
陣軍獲俘仁杲必斷舌刈鼻或春斫之嘗得庾信子  
立怒其不降磔之火漸割以啖士拔秦州取富人倒  
懸以酢注鼻或杙其隱以求財雖舉殘猛亦惡之每  
戒曰汝材略足辦事而傷於虐終覆吾宗及繼立與

直隸秦州新志

卷之三

雜記上

三

諸將素有隙者咸猜懼繇是兵稍衰秦王率諸將復  
壁高墉諸將請戰王曰我軍新銳銳氣少賊驟勝而  
驕有輕我心我閉壁以折之伺衰而擊可一戰禽也  
因令軍中曰敢言戰者斬仁杲糧乏挑戰不許其將  
牟君才等以衆降鍾俱執以河州降王策賊可破遣  
將軍龐玉擊宗羅暎於淺水原戰酣王以勁兵擣其  
背羅暎敗王率騎追奔於是悉軍馳之曰勢破竹不  
可失也夜半至析墉遲明圍合仁杲率僞官屬降

五代

李茂貞博野人本姓宋名文通爲博野軍卒戍鳳翔黃巢犯京師鄭畋以博野軍擊賊茂貞以功自隊長遷軍校敗叛將王行瑜於大唐峯僖宗賜以姓名拜鳳翔隴右節度使大順元年封隴西郡王自請爲山南招討使擅發兵攻破興元殺楊復恭父子徙山南西道節度使詔以他將鎮鳳翔不奉詔上表不遜昭宗怒使宰相杜讓能治兵而以覃王率扈駕軍討之戰敗茂貞遂犯京師帝爲殺兩樞密及讓能以謝之乃罷兵明年有所請帝不許復率鎮兵犯京師謀廢直隸秦州新志

卷之十三

雜記上

三

昭宗未果而晉王李克用亦舉兵茂貞懼乃殺宰相韋昭度李礪留其養子繼鵬以兵二千宿衛而去晉兵至河中繼鵬劫昭宗出奔茂貞以兵至鄠縣斬繼鵬自贖乃詔罷歸後復犯京師昭宗遣覃王拒之李克用加拜茂貞尚書令封岐王其後昭宗爲宦者所廢旣反正宰相崔胤欲借梁兵誅諸宦茂貞遣其子繼筠以兵數千宿衛京師宦者恃岐兵益驕不可制梁軍至同州繼筠劫昭宗幸鳳翔梁軍圍之逾年城中困憊已極天復三年茂貞與梁和圍解天子雖得

出然梁遂劫東遷而唐亡茂貞亦自困矣及梁太祖  
卽位諸侯之彊者皆相次稱帝獨茂貞不能但開府  
置官屬以妻爲皇后鳴梢羽扇視朝出入擬天子而  
已茂貞初破楊守亮取興元而邠寧鄜坊皆附之有  
地二十州其被梁圍也興元入于蜀開平已後邠寧  
鄜坊入于梁秦鳳階成又入于蜀當梁末年所有僅  
七州而已唐莊宗破梁改封茂貞秦王卒

王建字光圖舞陽人少無賴以屠牛盜驢販私鹽爲  
事里人謂之賊王八後爲軍卒遷隊將復爲都頭迎

直隸秦州新志

卷之十一

雜記上

三

僖宗於蜀田令孜以爲養子出爲壁州刺史建乃招  
集亡命有衆八千攻克閬州利州或患之令孜曰王  
八吾兒也以一介召之可置麾下建喜曰十軍阿父  
召我我至成都求一鎮文德元年分邛蜀黎雅爲永  
平軍拜建節度使建計逐西川節度韋昭度留其符  
節卽以兵扼劍門兩川由是阻絕引兵攻成都而諸  
州皆殺刺史降遂入成都殺令孜唐以建爲成都尹  
復以攻伐并有兩川之地是時李茂貞兼據梁洋秦  
隴爲梁所圍建襲取其地於是并有山南西道攻下



夔施忠萬四州唐封建蜀王又取歸州遂并有三峽  
梁滅唐卽自稱尊號封其諸子爲王以韋莊爲左相  
李茂貞與建婚求山南故地建怒自將擊之後又攻  
岐取其秦鳳階成四州屢改元卒年七十二子衍嗣  
所爲滯亂唐莊宗遣將至成都衍降召衍入洛陽率  
其宗族僞官等數千人以東行至秦川驛莊宗用伶  
人景進計遣宦者向延嗣誅其族

孟知祥邢州人父道事晉王晉王以其弟克讓女妻  
知祥莊宗建號以知祥爲太原尹旣破蜀卽以之爲

直隸秦州新志

卷之三

雜記上

十四

成都尹莊宗崩知祥乃訓練兵甲陰有王蜀之志表  
請罷還唐所遣節度刺史等長興元年九月應聖節  
知祥開宴東北望再拜俯伏嗚咽泣下沾襟士卒皆  
爲之歔歔明日遂舉兵反并有東川脅朝廷封之爲  
蜀王明宗崩乃卽尊位國號蜀子昶立復取秦成階  
鳳併有王行故地昶好打毬走馬又爲方士房中之  
術多採良家子以充後官韓保貞諫昶大悟卽日出  
之昶將相大臣皆知祥故人知祥寬厚多優縱之及  
其事昶益驕蹇多踰法度而李仁罕尤甚昶殺仁罕

衆乃懼周世宗伐蜀取秦成階鳳昶懼遣使者聘于南唐東漢以張形勢遷延入宋私約東漢將撓中國太祖遂詔伐蜀遣王全斌等分道攻之至夔州守將高彥儔閉城拒守判官羅濟勸其走彥儔曰吾昔不能守秦川今又奔潰昶問計于左右或言堅守昶歎曰吾與先君以溫衣美食養士四十年一旦臨敵不能爲吾東向放一箭雖欲堅壁誰與吾守者耶乃命李昊草表以降初昊事王衍爲草降表至是又草焉蜀人直隸秦州新志

卷之十三

雜記上

三五

夜表其門曰世修降表李家當時傳以爲笑昶至京師封秦國公卒贈楚王

僞官

漢王莽末年

原涉字巨先祖父武帝時以豪傑徙茂陵涉父哀帝時爲南陽太守死涉讓還南陽賻送行喪冢廬三年繇是顯名舉能治劇爲谷口令時年二十餘谷口聞其名不言而治君半歲自劾去官報仇亡命逢救出迺大治起冢舍周閣重門初武帝時京兆尹曹氏葬茂陵民謂其道爲京兆阡涉慕之迺買地開道立表署曰南陽阡人不肯從謂之原氏阡涉上冢單車毆直隸秦州新志

卷之三

雜記上

三

上茂陵遣奴至市買肉奴與屠爭言斫傷屠者亡是時茂陵守令尹公新視事涉未謁也聞之大怒遣兩吏脅守涉奴不出吏欲便殺涉去涉追窘肉袒自縛箭貫耳詣廷門謝臯尹公許之或言君以守令辱原涉如是一旦真令至君復單車歸爲府吏可爲寒心莫若墮壞涉冢舍條奏其舊惡尹公如其計果遂得真令王莽末東方兵起諸王子弟多薦涉能得死士可用莽迺名見責以臯惡赦賞拜鎮戎大尹天水太守涉至官無幾長安敗郡縣諸假號起兵素聞涉名

拜謁之傳送致涉長安更始西屏將軍申徒建請涉  
與相見大重之故茂陵令尹公爲建主簿涉從建所  
出尹公故遮拜涉怒使客刺殺主簿涉自詣謝申徒  
建遣兵道徼取涉於車上遂斬涉懸之長安市

公孫述字子陽茂陵人也哀帝時以父任爲郎後父  
仁爲河南都尉而述補清水長仁以述年少遣門下  
掾隨之官月餘掾辭歸白仁曰述非待教者也後太  
守以其能使兼攝五縣政事修理姦盜不發郡中謂  
有鬼神王莽天鳳中爲遵江卒正居臨邛復有能名

直隸秦州新志

卷之三

雜記上

三

及更始立豪傑各起其縣以應漢述名縣中豪傑謂  
欲保郡自守以待真主豪傑從之遂據有成都威震  
益部莽自稱天子號成家後爲漢兵所刺洞冒墮馬  
而死吳漢破其城夷述妻子盡滅公孫氏  
今以入偽官者因其曾官於此而其所  
竊據者則非此地又嘗爲王莽官故也

五代

安重霸雲州人初與唐明宗俱事晉王重霸得罪奔  
于梁又奔于蜀王建以爲親將王衍立少年宦者王  
承休用事重霸深結承休以自託梁末蜀取李茂貞

秦成階三州重霸勸承休求鎮秦州衍以承休爲節度使重霸爲其副使重霸與承休多取秦川花木獻衍請衍東遊唐伐蜀承休大恐重霸曰劍門天下之險雖有精兵不可過也然公受國恩聞難不可不赴願與公俱西承休素親信之以爲然承休整軍將發秦人送之輟飲城外酒罷承休上道重霸立承休馬前辭曰秦隴不可失願留爲公守承休業已上道無如之何唐軍已破蜀重霸亦以秦成階三州降唐王環真定人以勇力事孟知祥爲御者及知祥僭號

直隸秦州新志

卷之五

雜記上

五

于蜀使典衛兵晉開運之亂秦鳳階成入于蜀孟昶以環爲鳳州節度使周世宗遣將攻秦鳳州數爲環所敗昶遣兵出堂倉抵黃花谷以爭糧道周師設伏盡殫之昶遣其秦州節度使高處儔以兵援環未至聞堂倉兵敗亦潰歸處儔判官趙玘閉城不納處儔遂奔成都玘乃以城降成階二州相繼亦降獨環堅守百餘日然後克之

環顯忠於所事因其託身非主不得不抑置於斯然錄此者亦

以見玘與處儔之可笑也又有韓繼勳及趙季札尤庸懦無能觀史舊文似未嘗至此今入叢談

宋

歐陽迴華陽人少事王行爲中書舍人後唐同光中  
蜀平隨行至洛陽補秦州從事孟知祥鎮成都迴復  
入蜀知祥僭號以爲中書舍人拜門下侍郎兼戶部  
尚書平章事歸朝爲左散騎常侍迴性坦率無檢操  
雅善長笛太祖常召於偏殿令奏數曲御史中丞劉  
溫叟聞之叩殿門求見諫曰禁署之職典司誥命不  
可作伶人之事上曰朕嘗聞孟昶君臣溺於聲樂迴  
爲宰司尚習此伎故爲我所擒所以名迴欲驗言者  
之不誣也自是不復召

姦臣

漢

上官桀隴西上邽人少時爲羽林期門郎從武帝上甘泉天大風車不得行解蓋授桀桀奉蓋雖風常屬車雨下蓋輒御上竒其材力遷未央廡令上嘗體不安及愈見馬馬多瘦上大怒令以我不復見馬耶欲下吏桀頓首曰臣聞聖體不安日夜憂懼意誠不在馬言未卒泣數行下上以爲忠由是親近爲侍中稍遷至太僕武帝疾病以霍光爲大將軍桀爲左將軍

直隸秦州新志

卷之三

雜記上

三

皆受遺詔輔少主初桀子安取霍光女結婚相親光每休沐出桀常代光入決事昭帝始立年八歲帝姊鄂邑蓋長公主居禁中共養帝蓋主私近子客河間丁外人時上官安有女卽霍光外孫安欲因光內之爲后光以其尙幼不聽安素與丁外人善說外人曰安子容貌端正誠因長主時得入爲后以臣父子在朝而有椒房之重足下何憂不封侯乎外人喜言於長主召安女入爲婕妤月餘遂立爲皇后年甫六歲安以后父封桑樂侯遷車騎將軍日以驕滯受賜殿

中出對賓客言與我婿飲大樂見其服飾使人歸欲  
自燒物安醉則裸行內與後母及父諸良人侍御皆  
亂子病死仰而罵天數守大將軍爲丁外人求封幸  
依國家故事以列侯尚公主者光不許桀爲外人求  
光祿大夫欲令得名見又不許長主大以是怨光桀  
安寢恚知燕王旦帝兄不得立亦怨望迺謀令長公  
王置酒請光伏兵格殺之誘徵燕王至而誅之因廢  
帝而立桀或曰當如皇后何安曰逐麋之狗尚顧兔  
耶且用皇后爲尊一旦人主意有所移雖欲爲家人  
直隸秦州新志

卷之三

雜記上

三

亦不可得此百世之一時也事發覺盡誅桀安外人  
等宗族燕王蓋主皆自殺皇后以年少不與謀亦光  
外孫故得不廢光欲皇后擅寵有子帝時體不安左  
右及醫皆阿意言宜禁內雖宮人使令皆爲窮袴多  
其帶後宮莫有進者皇后立十歲而昭帝崩后年十  
四五云宣帝卽位尊爲太皇太后凡立四十七年年  
五十二建昭二年崩合葬平陵

董卓字仲穎隴西臨洮人性麤猛膂力過人桓帝末  
以六郡良家子爲羽林郎從中郎將張奐爲軍司馬



共擊漢陽叛羌破之拜郎中賜縑九千匹卓曰爲者則已有者則士乃悉分與吏兵無所畱中平元年先零羌及河關羣盜反叔致金城人邊章韓遂爲首明年韓遂殺邊章擁衆十餘萬進圍隴西太守李相如反與連和共殺涼州刺史耿鄙而鄙司馬扶風馬騰亦擁兵叛又漢陽王國自號合衆將軍皆與韓遂合乃拜卓前將軍與左將軍皇甫嵩擊破之韓遂等復其廢王國而叔故信都令漢陽閻忠使督統諸部忠恥爲衆所脅感恚病死遂等稍爭權利相殺害其諸

直隸秦州新志

卷之三

雜記上

三

部曲並各垂分卓以誅閹宦爲名將兵入朝遂擅廢立叔遷都專權縱恣爲呂布所殺其校尉李傕郭汜等求救不得聞長安中議欲盡誅涼州人乃復攻圍長安叔得官職並擅權興平元年馬騰從隴右來朝私有求於傕不獲而怒遂與侍中馬宇前涼州刺史种邵等合兵攻傕韓遂聞之乃率衆來復與騰合傕使郭汜等擊敗之种邵死遂騰走還涼州乃更相爭戰下隴據關中時曹操方事河北慮其乖間爲亂乃拜騰征南將軍遂征西將軍復徵馬騰爲衛尉封槐

里侯騰乃應召而留子超領其部曲十六年超與韓  
遂舉關中背曹操操擊破之遂超敗走騰坐夷三族  
超攻殺涼州刺史韋康復據隴右十九年天水人楊  
阜破超超奔漢中降於蜀主韓遂走金城羗中爲其  
帳下所殺涼州悉平按董卓臨洮人用兵此地原非  
專官何爲錄則以彼時叛者多  
在其傳稍撮纂之故  
繁畧不繫於卓也

唐

高駢字千里南平郡王崇文孫也家世禁衛幼頗修  
飭折節爲文學與諸儒交硜硜譚治道兩軍中更稱

直隸秦州新志

卷之十三

雜記上

三

譽之事朱叔明爲司馬有二雕並飛駢曰我且貴當  
中之一發貫二鵬焉衆大驚號落鵬侍御後歷右神  
策軍都虞侯党項叛率禁兵萬人戍長武駢數用奇  
殺獲甚多懿宗嘉之徙屯秦州卽拜刺史兼防禦使  
取河渭二州略定鳳林關降虜萬餘人咸通中拜安  
南都護克復安南又平南詔節度西川用刑殘忍歷  
荆南鎮海淮南諸節度傳檄名天下兵共討黃巢威  
震一時天子倚以爲重廣明初巢詐降駢欲專已功  
奏班師巢復絕駢駢欲縱賊以聳朝廷然後立功託

疾不出巢遂陷西京天子遣使者促駢討賊駢終無  
出兵意天下益殆乃以他將代之封駢渤海郡王駢  
失兵柄攘袂大詬上書謾言當此時王室微不絕如  
帶駢幸國顛沛大料兵陰圖割據一旦失勢故肆爲  
醜悖偃然無所顧忌又請帝幸江淮會賊平駢聞縮  
氣乃篤意求神仙不視事軍中亂爲其下所囚有突  
入擊駢者曳廷下數之曰公負天子恩陷人塗炭罪  
多矣尚何云駢未暇荅仰首如有所伺卽斬之裹以  
故氈與子弟七人一坎而瘞

直隸秦州新志

卷之十一

雜記上

言

宋

曾布字子宣南豐人年十三而孤學於兄鞏同登第  
以韓維王安石薦上書言爲政之本大率皆安石指  
也神宗召見論建合意授太子中允凡三日五受敕  
告與呂惠卿共創青苗助役保甲農田之法韓琦上  
疏極論新法之害神宗頗悟布遂爲安石條析而駁  
之持之愈固出歷諸州進直學士知秦州元豐末遷  
戶部尚書司馬光爲政論令增損役法布不肯章惇  
爲相布草制極其稱美布贊惇紹述甚力遂興大獄

陷正人布多陰擠之後爲相與蔡京有隙屢貶卒

直隸秦州新志

卷之十一

雜記上

三

酷吏

漢

田廣明字子公鄭人也爲天水司馬以殺伐爲治遷  
淮陽太守故城父令公孫勇與客胡倩等謀反倩詐  
稱光祿大夫從車騎數十言使督盜賊止陳留傳舍  
廣明覺知發兵捕斬焉而公孫勇衣繡衣乘駟馬車  
至圍圍使小史侍之亦知其非是守尉魏不害與廐  
齏夫江德尉史蘇昌共收捕之上以廣明連禽大姦  
徵入爲大鴻臚擢廣明兄雲中代爲淮陽太守後出

直隸秦州新志

卷之三

雜記上

三

爲左馮翊治有能名封昌水侯將兵繫匈奴至受降  
城受降都尉前死喪柩在堂廣明名其寡妻與姦引  
軍空還下吏自殺兄雲中亦敢誅殺坐事棄市  
樊奕字仲華南陽新野人與光武少游舊隗囂滅後  
隴右不安拜爲天水太守政嚴猛好申韓法善惡立  
斷人有犯其禁者率不生出獄吏人及羌胡畏之道  
不拾遺行旅至夜聚衣裝道旁曰以付樊公視事十  
四年卒官永平中明帝思其在天水時政能以爲後  
人莫之及詔賜家錢百萬子融好黃老不肯爲吏

晉

張輔字世偉南陽西鄂人漢河間相衡之後也初為  
藍田令不為豪強所屈時强弩將軍龐宗及護軍趙  
浚僮僕放縱輔繩之殺其二奴轉山陽令太尉陳準  
家僮亦暴橫輔復擊殺之累遷御史中丞多所糾劾  
後為馮翊太守是時長沙王又以河間王顥專制關  
中不臣之跡言於惠帝密詔雍州刺史劉沈秦州  
刺史皇甫重使討顥於是沈等與顥戰於長安輔遂  
將兵救顥沈等敗績顥德之乃以輔代重為秦州刺

直隸秦州新志

卷之三

雜記上

三

史當赴顥之難金城太守游楷亦皆有功轉梁州刺  
史不之官楷聞輔之還不時迎輔陰圖之又殺天水  
太守封尚欲揚威西土召隴西太守韓稚會議未決  
稚子朴有武幹斬異議者即收兵伐輔輔與稚戰於  
遮多谷口輔軍敗績為天水故帳下督富整所殺初  
輔嘗著論以為管仲不如鮑叔知所奉知所投班固  
不如司馬遷之辭約而事舉又論魏武帝不及劉備

樂毅滅於諸葛亮云

按輔黨逆害正因得刺州乃小人之尤者雖酷烈未著觀其欲以殺伐立威則作令時之初心即此耳至於陰圖召孽以自殞其身非欲殺之一念階之厲哉

元魏

元暹字叔照莊帝初除南兗州刺史在州猛暴多所殺害遷秦州刺史先時秦州城人屢爲反覆暹盡誅之存者十一二後爲涼州刺史貪暴無極欲規府人及商賈富人財物詐一臺符誑諸豪等云欲加賞一時屠戮所有資財生口悉沒自入

元麗字寶掌位光祿勳時秦州屠名王法智推州主簿呂苟兒爲主號建明元年置立百官攻逼州郡詔麗爲都督秦州刺史討之苟兒率衆十餘萬屯孤山

直隸秦州新志

卷之三

雜記上

三六

圍逼州城麗出擊大破之苟兒率其王公三十餘人詣麗請罪麗因平賊之勢枉掠良善七百餘人世宗不問進雍州刺史爲政嚴酷吏人患之遷冀州入爲左僕射帝曰聞公在州殺戮枉濫又大殺道人對曰臣在冀州可殺道人二百許人亦復何多帝曰一物不得其所若納諸隍况殺道人二百而言不多麗脫冠謝而已

元修義字壽安涉獵書傳頗有文才自元士遷齊州刺史爲政寬和不殺一人轉秦州刺史在州多受納

累遷吏部尚書唯事貨賄授官大小皆有定價後二秦反假修義西道行臺行秦州事爲諸軍節度修義

性好酒每飲連日神明昏喪竟無部分之益

按此亦昏庸貪

墨者耳何以附於酷吏夫酷有不貪貪則未有不酷者今觀元修義然則寬和亦濟貪之術歟

元琛字曇寶幼而敏慧初拜定州刺史多所受納及還朝靈太后曰琛在定州惟不將中山宮來自餘無所不致何可復用遂廢之琛資緣得出爲秦州刺史在州聚斂百姓嗟吁屬氏反詔琛爲行臺還攝州事琛性貪暴求欲無厭百姓患害有甚狼虎討氏被破直隸秦州新志

卷之十三

雜記上

三

士卒死者數千率衆走還焉耳

薛巒河東汾陰人祖安都以功賜爵河東公子道標襲爵爲秦州刺史十三年卒弟道次亦封安邑侯出爲秦州刺史巒其子也襲爵降爲平溫子初爲秦州刺史帶隴西太守後爲滎陽太守肆州刺史所在貪穢在州彌甚納賄於司空劉騰以求美官未得而騰死正光五年莫折念生反於秦州肅宗以巒爲西道別將討之進及平涼郡東與賊交戰不利遂退還後復爲汧城大都督鎮北隴



趙叔隆天水人趙逸之後初同懸瓠城民白早生之  
逆鎮南邢巒平豫州獲而宥之以貨自通得爲秦州  
西府長史與敕使元修義同心聚歛納貨巨萬賂司  
空劉騰出爲中山內史在郡專以貨賄爲事又姦詐  
無行懸瓠之免是其族人前軍將軍趙文相之力後  
無報德之意更與文相斷絕文相爲汝南內史猶經  
紀其家後文相卒叔隆了不恤其子弟人賤薄之  
于洛侯代人也以勞舊爲秦州刺史而貪酷安忍州  
人富熾奪民呂勝脛纏一具洛侯輒鞭富熾一百截  
直隸秦州新志

卷之五

雜記上

四

其右腕百姓王隴客刺殺民王羗奴王愈二人依律  
罪死而已洛侯生拔隴客舌刺其本并刺胷腹二十  
餘瘡隴客不堪苦痛隨刀戰動乃立四柱磔其手足  
命將絕始斬其首支解四體分懸道路見之者無不  
傷楚閩州驚震有司料劾詔於刑人處宣斬洛侯

李洪之恒農人少爲沙門晚乃還俗以假託外戚出  
爲使持節秦益二州刺史至治設禁奸之制有帶刀  
行者罪與奴同輕重品格各有條章於是大響州中  
豪傑長老示之法制乃夜密遣騎分部覆諸要路有

犯禁者輒捉送州宣告斬決其中枉見殺者百數初  
洪之微時妻張氏助其經營多所補益有男女幾十  
人後得劉芳從妹而疎薄張氏爲兩宅別居二妻妒  
競互相訟詛兩宅母子往來如讎及莅西州以劉自  
隨洪之素非廉清每多受納有司奏洪之受贓狼籍  
又以酷暴遂鑱洪之赴京隨賜死洪之志性多所堪  
忍疹疾灸療艾炷圍將二寸首足十餘處一時俱下  
而言笑自若接賓不輟及臨自盡防卒扶持將出却  
入遍繞家庭如是再三泣艱良久及臥而引藥

直隸秦州新志

卷之三

雜記上

聖

羊祉字靈祐太山鉅平人晉太僕卿瑋之六世孫也  
父規之宋任城令世祖南討至鄒山規之降賜爵鉅  
平子祉性剛愎好刑名襲鉅平子爵坐侵盜公資私  
營居宅抵死恕而遠徙後還持節爲梁州軍司討叛  
氏隨爲秦梁二州刺史天性酷忍又不清潔以掠人  
爲奴婢爲中尉王顯所彈免後復起爲平北將軍未  
拜而死祉自當官不憚疆禦朝廷以爲剛斷時有檢  
覆每令出使所經之處人號天狗及出將臨州並無  
恩潤兵民患其嚴虐焉

唐

王鉷中書舍人璿側出子也初爲鄴尉遷監察御史  
數按獄深文元宗以爲才拜京畿關內採訪黜陟使  
李林甫以鉷險刻可動以利故倚之使鷲擊狼噬鉷  
所摧陷多抵不道又厚誅斂鬻天子意人雖被蠲貸  
鉷更奏取脚直轉異貨百姓間關輸送乃倍所賦又  
取諸郡高戶爲租庸腳士大抵貲業皆破督責連年  
人不賴生鉷歲進錢鉅億萬以爲歲租外物供天子  
私帑帝以鉷有富國術加隴右羣牧度支營田等使  
直隸秦州新志

卷之十一

雜記上

聖

後以罪賜死諸子悉誅有司籍第舍數日不能徧至  
以寶鈿爲井幹引泉激雷號自雨亭其奢侈類此  
官不專秦然旣察諸郡又監羣牧則此地之被其荼毒者多矣

宋

蘇曉武功人爲轉運使權茶規其利歲入百餘萬緡  
開寶間李守信來秦隴市木盜官錢事發自殺太祖  
命曉案之逮捕甚衆右拾遺通判秦州馬適妻李卽  
守信息女守信嘗用木爲錢以遺適曉得守信所送  
書以進太祖將捨之曉上章固請寘于法仍籍其家

餘所連及者多至破產盡得所隱沒官錢擢判大理寺監在京商稅曉深文少恩當時號爲酷吏及卒無子有一女甚鍾愛亦先曉卒人以爲深刻所致韓縝字玉汝以天章閣待制知秦州嘗宴客夜歸指使傅勅被酒誤隨入州宅與侍妾遇縝怒令軍校以鐵裹杖箠殺之勅妻持血衣搗登聞鼓以訴坐落職分司南京秦人語曰寧逢乳虎莫逢玉汝其暴酷如此

佞幸

漢

張放其先杜陵人湯之五世孫也父臨尚敬武公主  
卒放少嗣高祖安世富平侯爵鴻嘉中成帝與近臣  
游宴放以公王子開敏得幸爲侍中寵愛殊絕常從  
爲微行鬪雞走馬長安中積數年上諸舅皆害其寵  
白太后太后以上春秋富動作不節甚以過放時數  
有災異議者歸咎放等於是左遷放北地都尉數月  
復徵入太后以爲言出放爲天水屬國都尉永始元  
放然上迫太后下用大臣故常涕泣而遣之成帝崩  
放思慕哭泣而死

直隸秦州新志

卷之三

雜記上

四

孟佗扶風人資產饒贍桓帝時中常侍張讓與曹節  
王甫等相爲表裏讓有監奴典任家事佗與奴朋結  
傾竭饋問無所遺愛奴咸德之問佗曰君何所欲力  
能辦也曰吾望汝曹爲我一拜耳時賓客求謁讓者  
車恒數百千兩佗後至不得進監奴乃率諸蒼頭迎  
拜於路遂共輦車入門賓客咸驚謂佗善於讓爭以

珍玩賂之佗分以遺讓讓大喜遂以佗爲涼州刺史  
或曰此事亦跡地可喜乃以之入佞幸何也且佞幸  
者前史所定固無此人也曰君不思佞幸之義耶夫  
以佞而得幸於天子猶謂之佞幸况佞於  
閹宦之奴者乎然則以附佞幸抑猶幸矣

後漢志

孔桂字叔林天水人建安初數爲將軍楊秋使詣曹  
操操表拜騎都尉桂性便辟曉博奕踰鞠故操愛之  
每在左右出入隨從桂察操意喜樂之時因言次曲  
有所陳事多見從數得賞賜人多饋遺桂由此侯服  
玉食操既愛桂五官將及諸侯亦皆親之其後桂見

直隸秦州新志

卷之三

雜記上

星

操久不立太子而有意於臨菑侯因更親附臨菑侯  
而簡於五官將將甚銜之及操薨丕卽王位未及致  
其罪黃初元年隨例轉拜駙馬都尉而桂私受西域  
貨賂許爲人事事發詔收殺之

志凡操名皆稱  
太祖餘仍其舊

晉後  
秦

姜紀天水人呂氏之叛臣阿諂奸詐好間人之親戚  
姚興子弼有寵於興紀遂傾心附之弼時爲雍州刺  
史鎮安定與密謀還朝令傾心事常山公顯樹黨左  
右至後興以弼爲尚書令侍中大將軍既居將相虛

襟引納收結朝士勢傾東宮遂有奪嫡之謀矣

元魏

王襲字元孫年十四以父叡任擢爲中散仍總中部  
叡薨高祖詔襲代領都曹爲尚書令文明太后曰襲  
年少智思未周其都曹尚書令可權記使閑習政事  
後用不晚終太后世寵念如初及后崩襲仍在高祖  
在右然禮遇稍薄出爲秦州刺史又轉并州十七年  
輿駕詣洛路幸其治供帳粗辦境內清靜帝頗嘉之  
而民庶多爲立銘置于大路虛相稱美或曰襲所教

直隸秦州新志

卷之三

雜記上

吳

也帝聞而問之對不以實因面被責讓降號二等  
隋

邱和洛陽人仕周開府儀同三司入隋封郡公歷資  
梁蒲三州刺史漢王諒反襲取蒲州和走免廢爲民  
宇文述有寵和傾心附納俄以發武陵公元冑罪復  
拜代州刺史煬帝北巡和饋獻精膳至朔州而刺史  
楊廓無所進帝不悅述甚稱和美進博陵太守詔廓  
就視和爲式帝過博陵和上食加豐愈喜由是所過  
競爲珍侈獻自和發也然和善撫吏士得其心遷天

水郡守大業末又以裴矩薦拜交趾太守林邑西諸國數遣和明珠文犀金寶故和富埒王者隋亡遂附蕭銑銑平又歸唐封國公除特進卒年八十六贈諡陪葬有子十五人多至大官

唐

紀處訥者秦州上邽人爲人魁岸髭長數尺其妻武三思婦之姊縱使通三思繇是歛昵進爲太府卿神龍元年夏大旱穀價騰涌中宗召問所以救人者三思知之陰諷太史迦葉志忠奏是夜攝提入太微近直隸秦州新志

卷之三

雜記上

七

帝坐此天子與大臣接有納忠之符帝信之下詔褒美賜處訥衣一副綵六十段與宗楚客並同三品進侍中後伏誅

宋

錢明逸字子飛吳越王俶之後爲呂夷簡所知擢右正言首劾范仲淹富弼更張綱紀紛擾國經凡所推薦多挾朋黨乞早罷免使姦詐不敢效尤忠實得以自立疏奏二人皆罷其父杜衍亦免相明逸蓋希章得象陳執中意也加史館脩撰知開封府妄人冷青



自稱皇子捕至府明逸方正坐青叱曰明逸安得不  
起明逸爲起坐尹京無威望又獄吏榜婦人鄴氏墮  
足死後出爲軍州加端明殿學士知秦州先是于闐  
入貢道邈川峭廝羅有子質于秦別子木征居河州  
殿侍程從簡私與之盟令過洮河許以官且歸其質  
子事不驗木征怒留貢使明逸械從簡往詰因斬之  
木征惶懼悉遣所留者治平初復爲翰林學士御史  
論其傾險愴薄頃附賈昌朝夏竦以陷正人文辭淺  
繆豈應昌居翰苑乃罷之

宦豎

魏

苻承祖略陽氏人也因事爲閹人爲文明太后所寵自御廡令遷中部給事中散騎常侍輔國將軍賜爵略陽侯兼典選部事轉吏部尚書高祖爲造甲第數臨幸之進爵略陽公初太后以承祖居腹心之任許以不死之詔後坐賊應死高祖原之削職禁錮在家授悖義將軍佞濁子

北齊

直隸秦州新志

卷之三

雜記上

四

穆提婆本姓駱漢陽人也父超以謀叛誅母陸令萱嘗配入掖庭後主襁褓之中令其鞠養謂之乾阿奴遂大爲胡后所昵愛令萱奸巧多機辯取媚百端官掖之中獨擅威福天統初奏引提婆入侍後主朝夕左右大彼親狎嬉戲醜褻無所不爲寵遇彌隆官爵不知紀極遂至錄尚書事封城陽王令萱又媚穆昭儀養之爲母是以提婆改姓穆氏及穆后立令萱號曰太姬母子勢傾內外矣殺生予奪不可盡言晉州軍敗後主還鄴提婆奔投周軍令萱自殺子孫大小

皆棄市籍沒其家

唐

楊復恭本林氏子宦父元翼咸通中領樞密世爲權家復恭定策立昭宗攘取朝政頗橫恣王瓌者惠安太后弟求節度使復恭沮之瓌聞怒甚遂居中任事復恭不欲分己權白爲黔南節度使道興元而兄子守亮方領節度陰勒利州刺史覆瓌舟于江宗屬賓客皆死以舟自敗聞帝知之詔衛兵攻復恭治殺使者罪復恭奔興元於是鳳翔李茂貞華州韓建邠州

直隸秦州新志

卷之十三

雜記上

五

王行瑜同州王行約秦州李茂莊同劫守亮納叛臣請出兵討罪復恭爲韓建邏士所殺

茂莊時爲秦州招討故錄

五代

王承休不知何所人事蜀王衍爲宣徽使以少年得幸安重霸附之教其求外乃出爲秦州節度使命曰天雄軍承休在軍無所獻爲惟求致珍異以媚於衍衍與承休妻嚴氏通久而思之將幸秦承休復謂衍曰秦州多出國色密領取秦州子女教以歌舞伎樂令畫工圖真及錄名氏以獻衍遂決意幸秦州羣臣

諫不聽已行至綿谷聞唐兵入境而還副使安重霸因給承休赴難承休中其計遂奔蜀而行已亡

宋

藍繼宗字承祖南海人事劉鋹爲宦者歸朝年十二遷爲中黃門傳詔多稱旨秦州並邊有大小洛門砦自唐末陷西羌雍熙中溫仲舒諭酋豪使獻其地徙衆渭北言者以爲生事請罷仲舒太宗遣繼宗往按視還奏二砦據要害產良木不可棄帝悅復使繼宗勞賜仲舒

直隸秦州新志

卷之十三

雜記上

五

李憲字子範祥符人皇祐中補入內黃門數論邊事合旨王韶請復河湟命憲往視師與韶進收河州爲熙河經略安撫司幹當公事還爲內侍省押班乘驛計議秦鳳熙河邊事諸將皆聽節度元豐中領熙秦軍復蘭州進景福殿使復還熙河仍兼秦鳳軍馬李舜舉字公輔開封人世爲內侍出爲秦鳳路走馬承受以文思院使領文州刺史帶御器械李繼和開封人以父任爲內侍黃門時沙苑闕馬詔秦州置塲以券市之繼和領職不數月得馬千數而

人不擾握帶御器械文州團練使

閻文應開封人給事掖庭積遷至入內副都知呂夷  
簡與文應相結使爲中訶因共謀廢郭后仁宗復悔  
有復后之意文應大懼會后有小疾挾太醫診視數  
日乃言后暴崩實文應爲之也諫官劾其罪議并其  
子士良出之以文應領嘉州防禦使爲秦州鈐轄  
童貫少出李憲之門性巧媚善策人主微指與蔡京  
游京進貫力也京旣相贊策取青唐以貫監王厚軍  
復四州遂爲熙河蘭湟秦鳳路經略安撫制置使更  
直隸秦州新志

卷之三

雜記上

三

歷九鎮進太傅涇國公公人稱蔡京爲公相因稱貫  
爲媼相將秦晉銳師深入河隴

直隸秦州新志卷之十二

中

雜記

羗戎

西羗本出三苗姜姓之別也其國近南岳舜徙之三危夏后相征畎夷七年然後來賓后桀之亂畎夷入居邠岐之間成湯伐而攘之武丁又伐之武乙暴虐犬戎寇邇周古公踰梁山而避于岐下及子季歷遂伐西落鬼戎復伐燕京之戎及余無始呼騫徒之戎皆克之文王率西戎征殷之叛國以事紂武王伐商

直隸秦州新志

卷之十二

雜記中

一

羗鬻與師至穆王西征遂遷戎於太原夷王命虢公伐太原之戎厲王時戎入犬邱殺秦仲之族宣王立召秦仲子莊公代戎破之王又伐太原戎條戎奔戎不克後晉人敗北戎於汾濕戎滅姜侯之邑王征申戎破之幽王命伯士伐六濟之戎其年戎圍犬邱虜秦襄公之兄伯父王爲無道戎與申侯殺之驪山下周乃東遷秦襄公攻戎救周邢侯又大破北戎及平王之末戎逼諸夏自隴山以東往往有戎於是渭首有狄獯邾冀之戎有義渠大荔之戎春秋魯莊公伐

秦取邽冀之戎厥後陸渾戎自瓜州遷于伊川允姓  
戎遷于渭汭貞王八年秦厲公滅大荔趙滅北戎韓  
魏共滅伊洛之戎其遺脫者皆逃走西踰汧隴自是  
中國無戎寇唯餘義渠焉秦伐義渠虜其王後數叛  
服至周末秦昭王滅義渠始置隴西北地上郡焉  
羌無弋爰劍者不知何戎之別秦厲公時爲秦所拘  
執以爲奴隸羌人謂奴爲無弋故因名之其後得逃  
歸世世爲豪至曾孫忍時秦獻公兵臨渭首滅狄獯  
戎忍季父卬畏秦遠徙各自爲種有羗牛種越嶲羌

直隸秦州新志

卷之十一

雜記中

二

是也白馬種卽廣漢羌參狼種武都羌也忍及弟舞  
留湟中忍生九子爲九種舞十七子十七種忍子研  
至豪健是爲研種漢景帝時研種留何率種人求守  
隴西塞於是徙留何等於狄道安故至臨洮氏道羌  
道縣羌道今禮縣  
時並屬隴西至研十三世孫燒當立元帝時多  
姐等七種羌寇隴西馬奉世討降之多姐降後數十  
年邊塞無事燒當豪健其子孫更以爲種號

滇良者燒當之元孫也更始時寇隴西隗囂不能討  
建武十年先零豪與諸種復寇隴西來欵擊之大破

明年又寇隴西馬援破降之徙置天水隴西等三郡  
參狼隨反援又破降之中元元年參狼反隴西太守  
劉盱遣將與武都兵破之二年滇吾寇隴西劉盱不  
能克遣謁者張鴻領諸郡兵與戰于允吾唐谷軍敗  
鴻及隴西長史田颯皆殺又天水兵爲牢姐種所敗  
於白石死者千餘人永平元年竇固馬武等擊滇吾  
於西邯大破之護羌校尉竇林爲諸羌所信滇吾弟  
滇岸詣林降林表爲大都尉明年滇吾降林復奏其  
第一豪帝疑一種兩豪以詰林林辭窘乃僞對曰滇

直隸秦州新志

卷之三

雜記中

三

岸卽滇吾隴西語不正耳帝窮驗知之怒而免林官  
謁者郭襄代領校尉事到隴西聞涼州羌盛還詣闕  
抵罪於是省校尉官建初元年滇吾子迷吾與諸種  
爲寇隴西太守孫純遣從事李睦擊之稍却拜吳棠  
領校尉不能制坐徵免傅育代之迷吾寇隴西漢陽  
於是遣車騎將軍馬防長水校尉耿恭討之至元和  
三年迷吾復與弟號吾入寇隴西界郡督烽掾李章  
追之生得號吾將詣郡號吾曰誠得生歸不復犯塞  
隴西太守張紆權宜放遣羌卽散歸傅育不欲失信



乃募人鬪諸羌胡羌胡不肯復叛出塞更依迷吾章  
和元年育請發隴西等郡兵自領漢陽金城五千人  
合二萬與諸郡剋期擊之合隴西兵據河南未及會  
育軍獨進爲迷吾所襲死之下詔褒美侯其子以太  
守張紆代爲校尉紆誘殺迷吾等五人頭以祭育冢  
迷吾子迷唐與諸種解仇交質寇隴西塞太守寇盱  
拒却之張紆不能討永元元年坐徵以鄧訓代稍以  
賞賂離間之由是諸種稍解永元四年訓卒聶尚伐  
欲以文德服之不效五年徵免貫友至遣譯使搆離

直隸秦州新志

卷之三

雜記中

四

諸種誘以財貨由是解散出兵擊之迷唐遠遁八年  
友卒漢陽太守史充代明年徵吳祉代其秋迷唐入  
寇擊破隴西兵征西將軍劉尚越騎校尉趙代遣司  
馬寇盱擊之出塞明年尚代坐畏懦徵迷唐降復叛  
十二年以周鮪代吳祉其秋鮪與侯霸領諸郡兵及  
隴西牢姐羌等出塞與迷唐戰降者六千餘口分徙  
漢陽隴西安定迷唐遂弱明年侯霸代鮪置東西邯  
屯田五部金城西部都尉曹鳳屯田二十七部其功  
垂立至永初中迷唐失衆病死一子來降

安帝永初元年遣騎都尉王宏發隴西漢陽等郡羗  
征西域羗羗驚懼於是大爲寇掠斷隴道遣鄧騭任  
尙屯漢陽明年春擊賊騭軍侯霸免段禧代其冬騭  
使任尙及從事中郎司馬鈞與戰于平襄尙軍敗於  
是漢零等遂大盛寇鈔三輔斷隴道朝廷不能制而  
轉運難劇遂詔騭還留任尙屯漢陽爲諸軍節度四  
年詔任尙還屯長安段禧卒復以侯霸代移居張掖  
五年發隴西徙襄武六年侯霸擊之有功元初元年  
羗號多還斷隴道涼州刺史皮楊擊羗於狄道大敗  
直隸秦州新志

卷之上

雜記中

五

徵免侯霸卒漢陽太守龐參代以恩信招之號多降  
二年參將羗胡兵擊零昌至勇士東爲所敗失期抵  
罪馬賢代六年春勒姐等反賢擊之於安故皆降延  
光元年賢追麻奴出塞種衆散遁詣涼州刺史宗漢  
降冬將種衆三千餘人詣漢陽太守耿种降順帝永  
建元年隴西鍾羗反賢擊降之封賢都鄉侯自是涼  
州無事四年令隴西等郡常儲穀粟其冬賢坐徵免  
韓皓代皓徵馬續代陽嘉三年鍾羗良封等復寇隴  
西漢陽拜馬賢爲謁者鎮撫諸種四年賢發隴西吏

士及羌胡兵擊殺良封永和元年馬續遷復以賢代  
二年賢又擊破白馬隴西復平四年徵賢爲宏農太  
守以劉秉爲涼州刺史天性虐刻多所擾發羌等復  
叛秉坐徵拜馬賢征西將軍屯漢陽又於漢陽隴道  
作塢壁三百所置屯兵以保聚百姓且凍種燒隴關  
掠苑馬六年賢擊之到射姑山軍敗賢及二子皆戰  
沒帝愍之封其孫光舞陽亭侯於是東西羌遂大合  
寇隴西漢安元年以趙冲爲護羌校尉惟燒何種未  
降三年夏冲與漢陽太守張貢掩擊連破之詣涼州

直隸秦州新志

卷之五

雜記中

六

降建康元年護羌從事馬立將羌衆亡出塞校尉衛  
瑤追斬立等趙冲復追叛羌戰歿永嘉元年封冲子  
愷義陽亭侯以漢陽太守張貢代左馮翊梁並招其  
五萬餘戶降隴右復平永壽元年貢卒第五訪代甚  
有威惠西垂無事延熹二年卒段熲代時燒當八種  
寇隴右熲大破之坐事徵以胡閎代閎無威略寇患  
轉盛中郎將皇甫規擊降之五年烏吾種寇漢陽隴  
西金城諸郡兵擊破之滇那復寇六年隴西太守孫  
羌擊破之閎疾復以段熲爲校尉中平元年北地降

羌先零種與義從胡北宮伯玉等反殺護羌校尉冷  
徵遂寇亂隴右焉

白馬氏者居於河池一名仇池仇池百頃周回九千  
四十步天形四方壁立千仞自然樓櫓卻敵分置調  
均竦起數丈有踰人功有二十一道可攀援而上東  
西二門盤道下至上凡七里上則崗阜低昂泉流交  
漢水經注云羊腸盤道三十六回數爲邊寇討之則  
依固自守建武初氏人悉附隴蜀隗囂滅乃降漢隴  
西太守馬援上復其王侯若長賜以印綬

直隸秦州新志

卷之十三 雜記中

七

建武初盧芳亡入匈奴數爲邊患匈奴聞漢購求盧  
芳貪得財帛乃遣芳還降而芳以自歸爲功單于復  
恥言其計賞遂不行匈奴由是大恨入寇尤深二十  
年遂至上黨扶風天水延光四年漢陽太守傅衆代  
法度爲度遼將軍卒龐參代之永和元年護羌校尉  
馬續爲度遼將軍撫以恩信右賢王降其秋句龍王  
車紐犯邊遂寇掠幽冀并涼靈帝立幽并涼三州緣  
邊諸郡無歲不被鮮卑寇抄殺掠不可勝數

以上俱見後漢

河南王者其先出自鮮卑慕容氏初慕容奕洛干有二子庶長曰吐谷渾嫡曰魔洛干卒魔嗣位吐谷渾避之西徙魔追留之而牛馬皆西走不肯還因遂西上隴度抱罕出涼州西南至赤水而居之其地則張掖之南隴西之西在河之南故以爲號其界東至岷川西隣于闐北接高昌東北通秦嶺方千餘里蓋古之流沙地焉有青海方數百里放牝馬其側輒生駒土人謂之龍種故其國多善馬吐谷渾孫葉延頗識書記自謂曾祖奕洛干始封昌黎公吾蓋公孫之子直隸秦州新志

卷之三

雜記中

八

也禮以王父字爲國氏因姓吐谷渾亦爲國號至其末孫阿豺始受中國官爵弟子慕延宋元嘉末又自號河南王慕延死從弟拾寅立乃用書契起城池築宮殿其小王並立宅拾寅死子度易侯立易侯死子休留代立齊永明中以代爲護羌校尉西秦河二州刺史梁興進代爲征西將軍代死子休運等襲爵位天監普通間屢遣使貢方物壽死子呵羅真立大通三年詔以爲寧西將軍西秦河二州刺史真死子佛輔嗣立其世子又獻白龍駒於皇太子

梁書

匈奴劉淵冒頓之後漢高帝以宗女妻冒頓故其後以母姓爲氏淵初仕晉後爲大單于遷於左國城自稱漢王追尊劉禪爲孝懷皇帝攻擊郡縣剋平陽蒲坂遂都平陽稱帝子聰代立遣劉曜攻陷洛陽執晉懷帝後又遣曜攻陷長安執晉愍帝聰死子粲襲位靳準篡之靳明殺準降于劉曜曜淵族子見養於淵靳明旣降遂僭尊號還都長安自稱大趙西通張駿南服仇池封其子允爲南陽王以漢陽十三郡爲國立單于臺於渭城石勒進據石門曜甫知之與戰師

直隸秦州新志

卷之三

雜記中

九

潰曜墜於冰爲勒將所擒因而殺之子毗率百官棄

長安西走秦州尋爲石勒所滅

以上魏書

赫連勃勃一名屈于其祖鐵弗劉虎南單于之苗裔

據朔方附劉聰傳子務桓及孫衛辰又附苻堅衛辰

生屈于初仕姚興襲殺沒奕干而并其衆自稱大夏

天王復僭帝號於灃上都統萬以長安爲南都子昌

代立爲魏所敗奔於上邦侍御史安顛擒昌以歸封

爲秦王謀反伏誅昌弟定復僭尊號於平涼復敗西

保上邦爲吐谷渾慕瓚所襲擒送京師遂亡

魏書

略陽清水氏楊氏世居隴右爲豪族漢獻帝建安中  
有楊騰者爲部落大帥騰子駒始徙仇池及孫千萬  
爲百頃王其後飛龍受晉武爵還居略陽以令狐茂  
搜爲子復保百頃愍帝爵之子難敵爲左賢王屯下  
辯堅頭爲右賢王屯河池難敵卒子毅立自號下辯  
公號堅頭子槃河池公咸康初稱蕃于晉毅族兄初  
殺毅自立爲仇池公後臣於晉亦仍其號加封天水  
公初子國桓溫表爲秦州刺史國從父俊殺國歸順  
仍爲仇池公子世太和間爲秦州刺史世子纂亦爲  
直隸秦州新志

卷之三

雜記中

十

秦州刺史皆朝命也咸安初苻堅討纂殺之徙其民  
於關中空百頃之地初毅有小弟宋奴生二子佛奴  
佛狗逃奔關中苻堅愛之以女妻佛奴子定堅死定  
還隴右徙治歷城置倉儲于百頃復自號仇池公遣  
使稱蕃孝武卽以其號假之求割天水之西縣武都  
之上祿爲仇池郡許之又以爲秦州刺史進平天水  
略陽郡遂有秦州之地自號西王後攻乞伏軋歸見  
殺佛狗子盛襲號仇池公分諸四山氏羌爲二十部  
護軍各爲鎮戍不置郡縣稱蕃貢獻屢受朝命又有

救梁州功義熙三年假盛使持節北秦州刺史宋受  
晉禪改封武都王以其子元爲世子元立雖爲蕃臣  
猶奉義熙之號文帝以元爲使持節北秦州刺史乃  
奉元嘉正朔焉元卒弟難當自立太祖以爲寇軍將  
軍秦州刺史屢進號難當以次子順爲秦州刺史守  
上邽先是四方流民有許穆之郝恢之二人投難當  
並改姓司馬云是晉室近戚穆之自云名飛龍恢之  
自云名康之康之尋爲人所殺難當以兵力資飛龍  
使入蜀爲寇時梁州刺史甄法護刑法不理太祖遣

直隸秦州新志

卷之三

雜記中

十一

蕭思話代之未至難當舉兵逐法護遂有漢中之地  
十年正月思話至遂平梁州難當上表謝罪帝特宥  
之十二年難當兄子保宗奔索虜扣跋燾以爲都督  
隴西諸軍事南秦王遣襲上邽難當子順退守下辯  
明年難當自立爲大秦王號年建義置百官十八年  
傾國南寇規有蜀土遂剋葭萌破晉壽進圍涪城不  
剋而還次年帝遣梁州刺史劉道正等率兵討之至  
漢中長驅而進道正剋武興向下辯取白水所向克  
捷天水任愈之率部曲歸順從裴方明破難當世子



和於修城難當乃將妻子奔虜中安西叅軍魯尙期  
追難當出寒峽生禽其僞官楊虎頭等送京師斬之  
難當死于虜仇池平以輔國司馬胡崇之爲秦州刺  
史守仇池至濁水去仇池八十里遇拓跋燾將拓跋  
齊等戰敗奔還漢中前鎮東司馬苻達等舉義立保  
宗弟文德爲主拓跋兵遁達追斬齊因據白崖分平  
諸戍文德自號仇池公遣露板馳告朝廷詔以爲使  
持節都督秦雍諸軍事北秦州刺史封武都王文德  
旣受朝命從王師北討有功會南郡王義宣反文德  
直隸秦州新志

卷之三

雜記中

三

不同見殺追贈其官以保宗子元和爲武都王治白  
水不能自立復走奔索虜元和從弟僧嗣復自立詔  
以爲仇池太守北秦州刺史武都王僧嗣卒從弟文  
度復自立秦豫初以爲略陽太守進北秦州刺史王  
如故文度遣弟文宏伐仇池破戍兵於蘭臯順帝初  
以文宏爲略陽太守其年虜破茄蘆文度見殺卽以

文宏爲北秦州刺史襲封武都王退治武興

以上  
宋書

難當族弟廣香先奔虜元徽中爲虜攻殺文慶

宋書  
作度

卽以爲葭蘆鎮王朝議以文宏爲北秦州刺史高帝

卽位梁州刺史范柏年被誅其親將李烏奴奔氏中  
文宏納之帝以文宏背叛進廣香爲持節都督西秦  
州刺史以難當正裔楊後起爲平羌校尉北秦州刺  
史武都王三年文宏降復以爲征西將軍北秦州刺  
史先是廣香病死氏衆半奔文宏文宏遣從子後起  
進據白水後起卒詔以楊集始爲北秦州刺史武都  
王後起弟後明爲白水太守永明十年集始反戰敗  
奔入武興以城降虜建武二年氏虜寇漢中前氏王  
楊後起弟子元秀收合義兵斷虜運道虜亦遣其僞

直隸秦州新志

卷之十三

雜記中

三

南梁州刺史仇池公楊靈珍據泥山以相拒元秀死  
楊馥之聚義衆與集始戰集始走下辯馥之據武興  
虜軍退馥之留弟昌之守武興自引兵據仇池朝廷  
以馥之爲北秦州刺史仇池公隆昌四年楊靈珍歸  
順攻集始於武興殺其二弟集同集衆集始窮急請  
降以靈珍督隴右軍事武都王永元二年復以集始  
爲北秦州刺史靈珍後爲虜所殺

以上  
齊書

天監初以集始爲使持節都督秦雍諸軍事北秦州  
刺史武都王集始死子紹先立紹先死子智慧嗣立

大同元年剋復漢中智慧率四千戶歸國詔卽以爲東益州其國東連秦嶺西接宕昌去宕昌八百里南去漢中四百里北去岐州三百里東去長安九百里本有十萬戶世世分減其大姓有符氏姜氏

以上梁書

初難當爲裴方明所敗棄仇池與千餘騎奔上邽世祖遣人迎之高宗時拜難當營州刺史還爲外都大官卒謚曰忠子和隨父歸國別賜爵仇池公子德襲難當爵早卒子小眼襲例降爲公拜天水太守卒子公熙襲爵爲假節別將與都督元志同守岐州爲秦直隸秦州新志

卷之十三

雜記中

古

賊莫折天生所虜死於秦州其後別支文度弟宏小名鼠犯顯祖廟諱以小名稱傳子集始及紹先紹先僭稱大號安西將軍邢巒遣傅豎眼攻武興剋之執紹先送京師遂滅其國以爲武興鎮復改爲東益州正光中魏子建爲刺史以恩信招撫遠近欵附如內地焉後以唐永代之氏人悉反永棄城東走自此復爲氏地紹先奔還武興復自立爲王

魏書

周太祖定秦隴紹先稱藩大統元年紹先請其妻人太祖奏魏帝還之紹先死子辟邪立十一年於武興

置東益州以辟邪爲刺史先是氏首楊法深據陰平  
自稱亦盛之苗裔也魏孝昌中舉衆內附廢帝元年  
以法深爲黎州刺史二年楊辟邪據州反詔南岐州  
刺史叱羅協與趙昶討平之是歲楊法深與其種人  
楊崇集楊陳佺各擁衆相攻趙昶遣使和解之法深  
等從命乃分其部落更置州郡以處之周書  
先是魏恭帝初潭水羌叛車騎將軍趙昶等率步騎  
五千討破之恭帝末武興氏反鳳州固道氏魏天王  
等亦聚衆響應大將軍豆盧寧等討平之及周世宗  
初鳳州人仇周貢等及昶復討平之自是氏羌患息

直隸秦州新志

卷之十三

雜記中

五

仙釋

周

尹喜秦人爲函谷關令一日見紫氣自東來乃占風知有神人過適老子至因留入室拜曰願聞至道老子授喜鍊氣吐納之術三宮正一之法喜復求著書以語後世老子曰善以道德五千言昇之喜拜受持誦遂傳於世老子卽於喜宅上昇後喜亦仙去復與老子遇於蜀喜號文始先生

漢

直隸秦州新志

卷之十三

雜記中

十六

盧真人號鐵馬大仙嘗與成紀令觀燈廣陵飛騰俄頃今玉泉觀有仙室遺跡

封君達隴西人初服黃連五十餘年入鳥舉山服水銀百餘年還鄉里如二十者常乘青牛故號青牛道士聞有病死者識與不識便以要間竹管中藥與服或下針應手皆愈不以姓名語人聞魯女生得五岳圖連年請求女生未見授并告節度二百餘歲乃入

元邱山去

按漢武帝內傳其言如此後漢書與甘始東郭延年同傳而省志謂其名衡魏武帝

問養性大略衡曰減思慮節飲食  
著有養氣法衛生經數十餘卷云

晉

單道開敦煌人裳衣麤褐不畏寒暑晝夜不臥恒服細石子一吞數枚好山居石季龍時從西平來一日行七百里其一沙彌年十四行亦及之至秦州表送到鄴季龍令佛圖澄與語不能屈也

唐

張果嘗修道於兩當縣之登真洞人傳果老仙踪雷牛成紀人煉丹於長道縣之南山明皇時宮中有疾召至長安調治卽愈封雷王今山上藥臼尚存有古槐一株液出似酒飲之去病人謂雷峰仙酒

直隸秦州新志

卷之三

雜記中

七

法冲成紀人幼而秀異遂祝髮入武都山修業時勅私度者死於是僧多逃嶧陽山避難冲憫其饑詣州宰曰如有死事冲身當之但施道糧終獲福佑守宰嘉其烈乃濟之山有虎冲詣告曰今窮谷相投可見容否虎皆遁去

惠印徽州人幼出家通經律文宗召至京師授榮祿大夫司徒銀印賜號正惠國師

元

梁誌通山西介休人號達元子至元丙子間慕道來  
秦功成終玉泉觀未移時在長安灞橋與使客傳錦  
寄徒旬日使至乃知其脫化留跡也詔封烟霞無爲  
真人清淨正人劉道通居金蓮洞至德間田守璋薦  
之按至德屬唐守璋仕元時代不的始附之  
馮真人修煉總真觀有道術凡祈晴禱雨靡不驗有  
一石枕黃潤似玉人有疾者以枕捫之卽愈

明

張三丰遼東人名全一一名君寶三丰其號也以其  
不修邊幅反號張邈過頤而偉大耳修髯一衲一簑

直隸秦州新志

卷之三

雜記中

六

所啖升斗輒盡或數月不食或處窮山或遊市井能  
一日千里嬉笑諧謔旁若無人洪武初居武當山中  
二十三年雲遊長安繼至隴上成祖遣官于四方尋  
訪未見封通微顯化真人

龐居士名蘊字道元襄陽人脫略俗情深造禪理嘗  
遊上邽愛牛頭山之阿築室居焉性好施予不計所  
償子曰仙哥女曰靈照舉家白日飛昇後人卽其地  
立祠名曰龐公菴

毛公不知何時人相傳有一道人來其家乞食毛公

與之食道人去毛公舉家食其所餘者俱上昇今其宅爲朝元觀

淡道人本清水東鄉人家號素封道人自幼好靜坐不以身家爲念讀書通文字卽學元門雲遊數十年歸臥西山不親世事明末寇擾遂復入城閉戶獨處一日忽曰吾明日寅刻當去及期沐浴端坐而逝

實際僧也自言山西人爲破山弟子工詩辭行草書明末至清水寓法林寺與鄉人相往來索字句者甚衆居數月忽語人曰今日世緣將盡本意欲還破山直隸秦州新志

卷之五

雜記中

九

何爲逗留于此夜半沐浴拜佛畢入坐去國朝

雲極號天祥四川岳池人自幼出家爲僧在峩眉山習靜叅禪數十餘載順治三年遊至秦州住西城外關王廟衆僧憫其老留之晝夜不眠惟閉目獨坐至十六年冬跏趺而化

一元道人平涼人自幼出家於順治十五年至玉泉觀募化施湯忽一日與道友辭遂化去



幻異

拾遺記曰禹鑿龍關之山亦謂之龍門至一空巖深  
數十里幽暗不可復行禹乃負火而進有獸狀如豕  
銜夜明之珠其光如燭又有青犬行吠於前禹計可  
十里迷於晝夜既覺漸明見向來豕犬變爲人形皆  
着元衣又見一神蛇身人面禹因與語神卽示禹以  
八卦之圖列於金板之上又有八神侍側禹曰華胥  
生聖子是汝耶答曰華胥是九河神女以生余也乃  
探玉簡授禹長一尺二寸以合十二時之數使量度

直隸秦州新志

卷之三

雜記中

三

天地禹卽執持此簡以平定水土蛇身之神卽羲皇

也

按其言不經而記爲王子年作則由來久矣所以有蛇身人面之傳歟又曰禹至一室有人身如蛇

鱗坐於石上

度幾近之

錄異傳云秦文公時武都故道雍南山有大梓樹文  
公伐之輒有大風雨樹生合不斷時有一人病夜往  
山中聞有鬼語樹神曰秦若使人被髮以朱絲繞樹  
伐汝汝得不因耶樹神無言明日病人語文公如其  
言伐樹斷中有一青牛走出入豐水中其後牛出豐  
水中使騎擊之不勝有騎墮地復上髮解牛畏之入

不出故置髦頭漢魏晉因之

西京雜記曰李廣與兄弟共獵于冥山之北見臥虎焉射之一矢卽斃斷其髑髏以爲枕示服猛也他日復獵于冥山之陽又見臥虎射之沒矢飲羽進而視之乃石也其形類虎退而更射鏃破斨折而石不傷余嘗以問揚子雲子雲曰至誠則金石爲開耳

宋史傳曰大中祥符間有秦州民家子趙抱一者常牧羊田間一夕有叩門召之者以杖引行杖端有氣如煙其香可悅俄至山崖絕頂見數人會飲音樂交

直隸秦州新志

卷之三

雜記中

三

奏與人間無異抱一駭而不測會巡檢司過其下聞樂聲疑羣盜歡聚集村民梯崖而上至則無所覩抱一獨在援以下之具言其故凡經夕若俄頃自是不喜熟食凡火化者未嘗歷口茹甘菊栢葉果實井泉間亦飲酒貌如嬰兒素不習文墨口占辭句頗成篇詠有道家之趣遂不親農事野行露宿後至京師猶卯角詔賜名度爲道士自是間歲或一至京師常令居太一宮與人言多養生事焉

太平興國中有澶州卒王貴者晝忽見使者來營急

召貴偕行南至河橋驛馬已具卽命乘之俄覺騰虛而去頃之駐馬但見屋室宏麗使者引貴入見其王者容衛制度悉如王者謂貴曰俟汝年五十八當往于闐國北通聖山取一異寶以奉皇帝宜深志之遂復乘馬凌虛而旋軍中失貴已數日矣驗所乘卽營卒之馬也知州宋煦劾貴以聞太宗釋之天禧初貴自陳年已五十八願遵前戒西至于闐尋許其行貴至秦州以道遠悔懼俄於市中遇一道士引貴出城登高原問貴所欲具以寶對卽命貴閉目少頃令開

直隸秦州新志

卷之五

雜記中

五

視山川頓異道士曰此于闐國北境通聖山也復引貴觀一池池中有仙童出一物授之謂曰持此奉皇帝又令瞑目俄頃復至秦州向之道士已失所在發其物乃玉印也文曰國王趙萬永寶州以獻

先是江南自後漢以來民間有服玩侈靡者人詢之必對曰此物屬趙寶子又李煜之妓妾嘗染碧經夕未收會露下其色愈鮮明煜愛之自是宮中競收露水染碧以衣之謂之天水碧及江南滅方悟趙國姓也寶年號也天水趙之望也

隆興初吳曦將叛轉運使安丙從事卽錢鞏之與同在河池鞏之嘗夢曦禱神祠以銀杯爲琰擲之神起立謂曦曰公何疑公何疑後政事已分付安子文矣又曰安子有才足能辦此覺而異之已而曦叛且授丙僞官丙陰圖之遂誅曦子文丙字也

可泉雜說羅峪某黷貨酗酒忤若父母聞雷輒戰懼逃匿如無所容而父母之凍餒如故一日大雨雷震某乃大啼往跪山澤間雷擊之死背有火文不可辨聞者快之父母舁其尸葬之山阿夫世惟無不養者直隸秦州新志

卷之十三

雜記中

三

有之雷則擊之矣否則天道之或差也蒲氏記云秦州庠生楊某者性嗜酒每飲歸輒至夜分一夕見兇壯數十輩首如牛犬蹲踞屋脊上舉手加額如掩襲狀生驚怖不成寐是夜地大震鄰家廬舍盡傾生獨得免人共異之生亦莫測其所致云省志兩當縣東五十里有魚洞一名長春洞每歲暮春魚湧洞中而出不知所從來

近時徽縣山村有虎夜攫食一人畱其上體比明路人以告羣往視之則村中偷兒也蓋已犯于官者其

家取而急掩之嘗聞虎噬人月朔則先首月晦則先足物固非有意而所戕者匪人且若因之以示者然亦足以警穿窬之夜出者矣

前數年兩當捕役奉文緝匪於幽谷深林人跡不到處忽得一城其中隱然有衙署廟宇舊蹟不知何時縣治也詢之近鄉居民無一至者但言於日落後遙聞鬼哭其聲甚夥欲跡之無路也邏者大懼而返父老或云自昔有清水縣又有白水赤水黑水等縣此或是其遺歟考元魏地理志有白水縣屬武都郡赤直隸秦州新志

卷之十二

雜記中

三

水縣屬臨洮郡而黑水無聞焉蓋不惟陵谷變遷而史籍亦難問久矣聊記以廣異聞

附  
天寶時宮中畜一鸚鵡聰慧能言一旦羽毛憔悴上憐而問之頗思鄉否卽應聲曰以思鄉故如此命放之後使臣過隴山忽聞樹上有聲問上皇安否使臣不覺淚下

秦州人家收得一乾蟹土人不識有病瘡者借去懸門戶徃徃遂差

隴西張嵩事母至孝母喪廬墓哀感幽顯歲餘而墓  
地自裂棺亦自破母還蘇活出前趙錄

吳曦既誅王喜心懷邪謀欲殺李好義秦州人其黨劉

昌國與好義飲好義心腹暴痛洞瀉而死既殮口鼻

爪指皆青黑民莫不哀之摧鋒一軍幾叛既而昌國

白日見好義持刀刺之驚怖仆地卒喜亦尋死

州有逆子毆父仆地忽雷聲旋繞父覆于子身祝曰

我僅一子震死當如我何雷隨息子亦卒爲孝子

鄉民有僱工伏羌人其父來索丁差錢子怒之主人

直隸秦州新志

卷之三 雜記中

三五

與之麥子復傾之大罵避去父過雷神廟祝曰如此  
不孝子神弗鑑何以神爲忽大霧彌門雷從廟中起  
其子已震死箭谿嶺矣

有蠹役素克悍一日夜出羣犬爭噬之僅餘面目

順治甲午地震山移水湧成壑有人見馬躍浮水面

是夜一民婦攜小兒循山走見二燈前導有鐵牛拽

山夜叉驅後云

乾隆初知州李鉉修太昊宮成有鶴集廟栢因顏其  
別院曰來鶴亭明年接任者程號鶴亭也

叢談

周

春秋紀侯為齊所滅後因以國為氏隋有司農少卿和整世居天水上邦

孔子弟子狄黑裔孫漢博士山世居天水

楚滅權其孫因以為氏秦滅楚遷大姓於隴西因居天水

秦滅趙及代王嘉使嘉子公輔王西戎西戎懷之號

曰趙王世居隴西天水西縣

直隸秦州新志

卷之三 雜記中

三

漢

漢初姜氏以關東大族徙關中遂居天水

漢徙大姓以實關中上官氏徙隴西上邦

漢高帝五年齊人婁敬戍隴西過洛陽遂說高帝都

關中

文帝後五年春正月行幸隴西

武帝元鼎五年冬十月行幸雍遂踰隴

時出倉卒從官不得食隴

西守自殺

太始二年春正月詔曰往者朕郊見上帝西登隴首

獲白麟呂饋宗廟云云

按稱往者指元鼎五年有朝隴首歌已載藝文

文帝親策賢良文學鼂錯對曰平陽侯臣宿

漢書註曹參子

汝陰侯臣竈

夏侯嬰子

穎陰侯臣何

灌嬰之子

廷尉臣宜昌隴

西太守臣昆邪

公孫昆邪

所選賢良太子家令臣錯昧死

再拜言

觀此則昆邪蓋亦能舉賢者按孝文事宜在武帝前然記以雜名或取之木紀或陳於列

傳或得諸他書隨手就錄難以差次亦惟其儲焉耳餘俱倣此

李廣與望氣王朔語曰白漢擊匈奴廣未嘗不在其

中然終無尺寸功以得封邑者何也朔曰將軍自念

豈嘗有恨者乎廣曰吾為隴西守羌嘗反吾誘降者

直隸秦州新志

卷之三

雜記中

七

八百餘人詐而同日殺之至今恨獨此耳朔曰禍莫

大於殺已降此迺將軍所以不得侯者也

公孫賀字子叔北地義渠人祖父昆邪景帝時為隴

西守以將軍擊吳楚有功封平曲侯著書十餘篇賀

少為騎士從軍數有功封南窳侯坐酎金失侯後代

石慶為丞相封葛繹侯

平帝時名捕隴西辛興與鮑宣女婚許紺俱過宣

一飯宣不知情坐繫獄自殺先是宣以守闕上書覺

紺徙上黨為其地宜田牧遂家於長子故及



隗囂使馬援如蜀援素與公孫述同里閤相善以爲  
旣至當握手歡如平生而述盛陳陞衛以延援入交  
拜禮畢使出就館更爲援制都布單衣交讓冠會百  
官於宗廟中立舊交之位述鸞旗旄騎警蹕就車磬  
折而入禮響官屬甚盛欲授援以封侯大將軍位賓  
客皆樂留援曉之曰天下雄雌未定公孫不吐哺走  
迎國士與圖成敗反脩飾邊幅如偶人形此子何足  
久稽天下士乎因辭歸後至洛陽引見於宣德殿光  
武迎入謂援曰卿遨遊二帝間今見卿使人大慙援  
直隸秦州新志

卷之三

雜記中

三

頓首曰當今之世非獨君擇臣也臣亦擇君矣臣與  
公孫述同縣少相善臣前至蜀述陞戟而後進臣臣  
今遠來陛下何知非刺客姦人而簡易若是帝復大  
笑曰卿非刺客顧說客耳援曰天下反覆盜名字者  
不可勝數今見陛下恢廓大度同符高祖乃知帝王  
自有正也及歸語囂曰前到朝廷上引見數十每接  
讌語自夕至旦才明勇略非人敵也

光武帝建武六年五月辛丑詔惟天水隴西安定北  
地吏人爲隗囂所誑誤者自殊死以下皆赦除之

建武八年八月帝自上却晨夜東馳九月乙卯車駕還宮

十四年十二月癸卯詔益涼二州奴婢自八年以來自訟在所官一切免爲庶民賣者無還直

中元二年九月赦隴西囚徒減罪一等

安帝延光三年九月乙巳詔敦煌隴西及度遼營其右趾以下及亡命者贖各有差

順帝建康元年正月辛丑詔遣光祿大夫案行隴西漢陽宣暢恩澤勿爲煩擾

直隸秦州新志

卷之十三

雜記中

三

鄧騭之西屯漢陽也將左右羽林北軍五校士安帝幸平樂觀親餞送之

寇恂於建武八年以執金吾從車駕擊隗囂十年奉詔討高峻峻遣軍師皇甫文出謁恂斬之而峻降諸將曰高峻精兵萬人西遮隴道連年不下今殺其使而降其城何也恂曰文峻之腹心其所取計者也全之則文得其計殺之則峻亡其膽是以降耳諸將皆曰非所及也

耿弇凡所平郡四十六屠城三百未嘗挫折

漢陽太守耿冲者秉之子况之曾孫也

耿恭字伯宗况之孫也初爲長水校尉值隴西羌反上疏言方略詔以恭爲馬防副討平之恭出隴西上言竇融在西州甚得羌心今大鴻臚固卽其子孫宜奉大使鎮撫涼部令車騎將軍防屯軍漢陽以爲威重由是大忤於防奏恭不憂軍事免官歸卒於家建武六年春詔祭遵耿弇蓋延王常馬武劉歆劉向等從天水伐公孫述上幸廣陽城門設祖道閱過諸將以遵新破漁陽令最在前

直隸秦州新志

卷之五

雜記中

三

諸將之引兵下隴也隗囂尾追甚急獨岑彭殿馬武選精騎還爲後拒身被甲持戟奔擊殺數千人乃得率師東歸

光武封竇融爲安豐侯弟友爲顯親侯中元元年友子固襲封顯親侯十五年拜奉車都尉屯涼州

南單于於漢北遺竇憲古鼎容五斗其傍銘曰仲山甫鼎其萬年子子孫孫永保用憲乃上之詔封憲武陽侯不受明年又封寇軍侯固辭遂將兵出鎮涼州

按憲非以獻鼎得封者鼎特談助耳其文似故云然

馬授好騎善別名馬於交趾得駱越銅鼓乃鑄爲馬式還上之因表曰夫行天莫如龍行地莫如馬昔有騏驎伯樂識之近世西河子與亦明相法傳儀長孺與丁君都及成紀楊子阿臣授師事子阿受相馬骨法考之有驗今欲形之於生馬則骨法難備具又不可傳之於後武帝時東門京鑄作銅馬立於魯班門外則更名門曰金馬門臣謹依儀氏韉中帛氏口齒謝氏脣鬢丁氏身中備此數家骨相以爲法馬高三尺五寸圍四尺四寸詔置宣德殿下以爲名馬式

廉范字叔度廉頗之後也世爲邊郡守或葬隴西因仕焉永平初隴西太守鄧融備禮謁范爲功曹會融爲州所舉案范知事譴難解欲以權相濟乃託病求去融不達其意大恨之范於是東至洛陽變名姓求代廷尉獄卒君無幾融果徵下獄范遂得衛侍左右盡心勤勞融怪其貌類范而殊不意乃謂曰卿何似我故功曹耶范訶之曰君困厄謗亂邪語遂絕融繫出困病范隨而養視及死竟不言身自將車送喪至南陽葬畢乃去

馮魴爲司空永平四年坐考隴西太守鄧融聽任姦吏策免

建初八年諸竇讚陷梁竦詔使漢陽太守鄭據傳考竦罪死獄中竦嘗言曰大丈夫生當封侯死當廟食如其不然閑居可以養志誌書足以自娛作七序

梁商竦之孫陽嘉四年爲大將軍虛已進賢辟漢陽巨覽等爲從事中郎

和帝母梁貴人竦之女也帝立追封謚竦爲褒親愍

侯備禮西迎竦喪

註曰竦死漢陽獄故自西迎也

賜畫棺玉匣衣衾

直隸秦州新志

卷之五

雜記中

三

改殯帝親臨送葬百官畢會寵遇光於當世焉

韓尊建武中爲隴西太守卒子棧方四歲及壯推父餘財與從昆弟鄉里高之後爲司空

隴西牛述爲外黃今好士知人禮請爰延爲廷掾范丹爲功曹濮陽潛爲主簿常共言談

永初羌反鄧騭欲棄涼州虞詡爲郎中言於太尉李修曰竊聞公卿定策當棄涼州涼州旣棄卽以三輔爲塞三輔爲塞則園陵單外此不可之甚者也嗚呼關西出將關東出相觀其習兵壯勇實過餘州今羌

人所以不敢入據三輔爲心腹之害者以涼州在後故也其土人所以推鋒執銳無反顧之心者爲臣屬於漢故也若棄其境域徙其人庶安土重遷必生異志棄之非計修乃更從詡議辟西州豪傑爲掾屬拜牧守子弟爲郎以安慰之

時司徒崔烈亦主棄議傅燮曰涼州天下要衝國家藩衛高祖初興使酈商別定隴右世宗拓境列置四郡議者以爲斷匈奴右臂今欲割棄一方萬里之土使虜得居此地士勁甲堅因以爲亂此天下之至慮

直隸秦州新志

卷之十三 雜記中

三

社稷之深憂也議乃止

蓋勳爲太守時漢陽叛人王國衆十餘萬攻陳倉三輔震動勳領郡兵五千人自請滿萬人因表用處士扶風孫瑞爲騰鶡都尉桂陽魏傑爲破敵都尉京兆杜楷爲滅虜都尉弘農楊儒爲梟擊都尉長陵第五雋爲清寇都尉凡五都尉皆素有名悉領屬勳每有密事靈帝以手詔問之

蔡邕上七事表有曰伏見涼州刺史劉度有奉公疾姦之心每有所糾其効尤多

延熹四年冬隴西羌叛段熲將湟中義從討之涼州刺史郭閔貪其功稽留熲軍使不得進義從役久戀鄉舊皆悉反叛郭閔歸罪於熲熲坐徵下獄輸作左校羌遂陸梁吏人守關訟熲以千數朝廷知熲爲郭閔所誣詔問其狀熲但謝罪不敢言枉

張奐字然明父惇爲漢陽太守奐後亦持節督涼州兵兼察刺史二千石能否

王允旣誅董卓卓將校及在位者多涼州人允議罷其軍其在關中者皆擁兵自守遂合謀爲亂

直隸秦州新志

卷之十三

雜記中

三

皇甫嵩旣破黃巾威震天下故信都令漢陽閻忠干說嵩曰難得而易失者時也時至不旋踵者幾也故聖人順時以動智者因幾以發今將軍遭難得之運蹈易駭之機而踐運不撫臨機不發將何以保大名乎嵩曰何謂也忠曰將軍受鉞於暮春收功於末冬摧強易於折枯消堅甚於湯雪旬月之間神兵電掃威德震本朝風聲馳海外而北面庸主何以求安乎嵩曰夙夜在公心不忘忠何故不安忠曰不然昔韓信不忍一餐之遇而棄三分之業利劍已揣其喉方

發悔毒之歎者機失而謀乖也今主上勢弱於劉項  
將軍權重於淮陰指撝足以振風雲叱咤可以興雷  
電赫然奮發因危抵頽崇恩以綏先附振武以臨後  
服徵冀方之士動七州之衆羽檄先馳於前大軍響  
振於後蹈流漳河飲馬孟津誅閹官之罪除羣凶之  
積雖僮兒可使奮拳以致力女子可使褰裳以用命  
况鴈熊羆之卒因迅風之勢成功業已就天下已順  
然後請呼上帝示以丕命混齊六合南面稱制移寶  
器於將興推亡漢於已墜實神機之至會風發之良  
直隴秦州新志

卷之十一

雜記中

三五

時也夫既朽不雕衰世難佐若欲輔難佐之朝雕朽  
敗之木是猶逆坂走丸迎風縱棹豈云易哉且今豎  
宦羣居同惡如市上命不行權歸近習昏主之下難  
以久居不賞之功讒人側目如不早圖後悔無及豈  
懼曰非常之謀不施於有常之勢創圖大功豈庸才  
所致黃巾細孽敵非秦項新結易散難以濟業且人  
未忘主天不祐逆若虛造不冀之功以速朝夕之禍  
孰與委忠本朝守其臣節雖云多讒不過放廢猶有  
令名死且不朽反常之論所不敢聞忠乃亡去



漢末隴西人宗建在枹罕自稱河首平漢王署置百官三十許年曹操遣夏侯淵擊斬之

劉焉在靈帝時見四方兵寇以爲刺史威輕建議改置牧伯請選重臣以居其任會涼州刺史耿鄙等並爲寇賊所害乃出焉爲監軍使者領益州牧

平帝時漢中錫光爲交阯太守教導民夷漸以禮義化聲侔於任延王莽未閉境拒守建武初遣使貢獻

封鹽水侯領南華風始於二守焉

按前於人物志載錫光而疑其於史

無考及閱任延傳乃得之顧省志謂光略陽人史稱漢中爲不同耳

直隸秦州新志

卷之十一

雜記中

三

繆彤字豫公汝南召陵人太守隴西梁湛召爲決曹吏安帝初湛病卒官彤送喪還隴西始葬會西羌反湛妻子悉避亂它郡彤獨留不去爲起墳冢乃潛穿井旁以爲窟室晝則隱竄夜則負土及賊平而墳已立其妻子意彤已死還見大驚關西咸稱傳之共給車馬衣資彤不受後辟公府爲中牟令卒於官

范丹字史雲陳畱外黃人與河內王奐親善奐爲考城令境接外黃請之不至及奐遷漢陽太守將行丹乃與弟協步齋麥酒於道側設壇以待之丹見車徒

絡驛遂不自聞惟與弟共辯論於路負識其聲卽下車與相揖邀共前亭宿息以叙分隔卅日子遠適千里會面無期故輕行相候以展訣別如其相追將有慕貴之譏矣遂去不顧

樊志張者漢中南鄭人嘗遊隴西時段熲出征西羌請見志張其夕熲軍爲羌所圍數重因留軍中三日不得去夜謂熲曰東南角無復羌宜乘虛引出住百里還師攻之可以全勝熲從之果以破賊於是以狀表聞謂其有梓慎焦董之識有詔特徵會病終

直隸秦州新志

卷之十二

雜記中

三十七

獻帝建安十六年曹操破馬超於渭南超與其將龐德等亡入漢陽

馬超在漢陽復因羌胡爲害氏王千萬叛應超操使夏侯淵討之十九年漢陽尹奉等討超梟其妻子超奔漢中

二十四年夏五月曹操徙武都氏於天水界

延康元年秋武都氏王楊僕率種內附居漢陽郡

漢末李越以隴西反金城太守蘇則率羌胡圍之越請服

後漢蜀志  
典略

馬超字孟起扶風茂陵人父騰字壽成馬援後也其父字子碩爲天水蘭干尉失官因留隴西與羌錯居遂娶羌女生騰騰少貧無產業常從鄣山中斫材木負販詣城市以自供給騰爲人長八尺餘身體洪大面鼻雄異而性賢厚人多敬之靈帝末涼州刺史耿鄙任信姦吏民王國等及氏羌反叛州郡募發民中有勇力者欲討之騰應募署軍行事典領部衆討賊有功拜軍司馬其父子由是起餘俱別見

直隸秦州新志

卷之三

雜記中

三

建安中馬超初依張魯魯不足與計事而魯將又多害其能超遂從武都逃入氏中轉奔往蜀聞先主圍劉璋於成都密書請降先主喜曰我得益州矣乃使人潛以兵資之超引軍屯城北未旬而成都潰

建興六年丞相亮軍向祁山時天水太守馬遵適出案行參軍事姜維及功曹梁緒主簿尹賞主記梁虔等徒行太守聞蜀軍至而諸縣響應疑維等皆有異心於是夜亡保上邽維等覺太守去追遲至城門門已閉不納維等相率還冀冀亦不入維等乃俱詣亮

亮見大悅會馬謖敗于街亭乃拔西縣千餘家及維等還

姜維在蜀爲大將軍平襄侯其裔孫明世居上邽

魏志

徐邈在魏初爲尚書郎常私飲沈醉問以曹事荅曰中聖人魏武怒鮮于輔進曰平日醉客謂酒清者爲聖人濁者爲賢人邈性修慎偶醉言耳乃免後爲隴西太守轉南安所在著稱文帝曰頗復中聖人不對曰時復中之遷涼州刺史有治功

直隸秦州新志

卷之三

雜記中

三

天水舊有姜闇任趙四姓常推於郡中而薛爲單家薛夏恃才不爲降屈四姓欲共治之夏乃游逸東詣京師後四姓又使囚遙引夏關移穎川收捕繫獄時魏武已在冀州聞夏爲本郡所質撫掌曰夏無罪也漢陽兒輩直欲殺之耳乃告穎川使理出之召署軍謀掾

按人物志載薛夏初以爲史未有考今於魏志世語得之併識其詳如此

張旣字德容馮翊高陵人爲雍州刺史魏武曰還君本州可謂衣繡畫行矣後與曹洪破吳蘭於下辯時徙民以充河北隴西天水南安民相恐動擾擾不安

既假三郡人爲將吏者休課使治屋宅作水碓民心  
遂安初既爲兒童時爲郡功曹游殷察異之引既過  
家殷先歸勅家具設賓饌及既至殷妻笑曰君其悖  
乎張德容童昏小兒何異客哉殷曰卿勿怪方伯之  
器也饗訖以子楚託之

游楚字仲允爲蒲阪令時漢興郡缺魏武以問張既  
既稱楚才兼文武遂以爲漢興太守後轉隴西楚爲  
人慷慨歷位宰守所在以恩德爲治不好刑殺會值  
諸葛亮出隴右天水南安太守各棄郡東下楚獨據

直隸秦州新志

卷之十三

雜記中

四

隴西召吏民謂之曰太守無恩德今蜀兵至諸郡吏  
民皆應之此亦諸卿富貴之秋也太守本爲國守郡  
義在必死卿諸人便可取太守頭持往吏民皆涕泣  
言死生當與明府同無有二心楚復言卿曹若不願  
我爲卿畫一計今東二郡已去必將來攻但可共堅  
守若國家救到敵必去是爲一郡守義人人獲爵寵  
也若官救不到蜀攻日急爾乃取太守以降未爲晚  
也吏民遂城守而南安果將蜀兵攻隴西楚遣長史  
馬顛出門設陣而白於城上曉謂蜀師言卿能斷隴

使東兵不上一月之中則隴西吏人不攻自服卿若不能虛自疲傲耳使顛鳴鼓擊之蜀人乃去後十餘日諸軍上隴蜀兵退南安天水兩郡守各獲重刑而楚以功封列侯長史掾屬皆賜拜帝嘉其治詔特聽朝引上殿楚爲人短小而大聲自爲吏初不朝覲被詔登階不知儀式帝令侍中贊引呼隴西太守前楚當言唯而大應稱諾帝顧而笑遂勞勉之

魏初不置涼州自三輔拒西域皆屬雍州文帝置涼州以安定太守鄒岐爲刺史後涼州盧水胡伊健妓直隸秦州新志

卷之三

雜記中

聖

妾治元多等反河西大擾帝曰非張旣莫能安涼州乃召鄒岐以旣代之

溫恢爲涼州刺史持節領護羌校尉卒汝南孟建代爲涼州刺史有治名建字公威少與諸葛亮俱游學亮後出祁山使杜子緒宣意於公威

倉慈爲敦煌太守有德惠天水王遷承代慈雖循其迹不能及也金城趙基承遷後復不如遷嚴幹以孝廉拜蒲阪令復舉至孝遷弘農太守及馬超反幹郡近超民人分散超破爲漢陽太守

景元四年議取蜀鄧艾遣天水太守王頎等直攻姜維營隴西太守牽宏等邀其前維聞鍾會諸軍已入漢中引退還破蜀之後鄧艾以師纂領益州刺史隴西太守牽宏等領蜀中諸郡舊志以師纂爲隴西太守非是此時鄧艾猶在蜀也其隴西太守自是牽宏舊官考師纂爲艾司馬後與鍾會等自艾所作悖逆搆車徵艾遇田續於綿竹斬艾父子纂與俱死纂性急少恩死之日身無完皮卽令當日兼此官亦禾嘗來任隴西也曹髦正元二年十一月以隴右四郡連年受敵或亡叛投賊其親戚留在本土者不安皆特赦之

晉

直隸秦州新志

卷之三

雜記中

聖

晉帝紀宣帝諱懿姓司馬氏

今仍稱名

諸葛亮之至天水

也圍將軍賈嗣魏平於祁山懿進軍隴亮自率衆將芟上邽之麥諸將皆懼懿曰亮慮多決少必安營自固然後芟麥吾得二日兼行足矣於是卷甲晨夜赴之進次漢陽與亮相遇兵才接而亮退追至祁山亮屯鹵城據南北二山斷水爲重圍懿拔其圍亮乃去或曰明年麥熟亮必復來隴右無穀宜及冬預運懿曰亮每以糧少爲恨歸必積穀非三稔不能動矣因表徙冀州農夫佃上邽與天水南安監治

武帝泰始七年夏五月赦秦州殊死以下  
秋七月癸酉以車騎將軍賈充爲都督秦涼二州諸  
軍事充納女儲宮遂不行

元帝建武二年秦州刺史陳安叛降于劉曜

簡文帝咸安二年孝武帝立冬十一月苻堅陷仇池  
執秦州刺史楊世

孝武帝太元八年冬十二月仇池公楊世奔還隴右  
遣使稱藩

安帝隆安三年春二月仇池公楊盛遣使稱藩

直隸秦州新志

卷之三

雜記中

三

劉曜徙都長安改號曰趙以秦涼二州牧鎮上邽

前秦苻健都長安以秦州刺史鎮上邽

姜岌三紀甲子元歷略曰治歷之道必審日月之行  
然後可以上考天時下察地化一失其本則四時變  
移故仲尼之作春秋日以繼日月以繼時時以繼年  
年以首事明天時者人事之本是以王者重之自皇  
羲以降暨於漢魏各自制歷以求厥中考其疏密惟  
交會薄蝕可以驗之然書契所記惟春秋著日蝕之  
變自隱公訖于哀公凡二百四十二年之間日蝕三



十有六考其晦朔不知用何歷也班固以爲春秋因魯歷魯歷不正故置閏失其序魯以閏餘一之歲爲部首檢春秋置閏不與此部相符也命歷序曰孔子爲治春秋之故退修殷之故歷使其數可傳於後如是春秋宜用殷歷正之今考其交會不與殷歷相應以殷歷考春秋月朔多不及其日又以檢經率多一日傳率少一日但公羊經傳異朔於理可從而經有蝕朔之驗傳爲失之也服虔解傳用太極上元太極上元乃三統歷劉歆所造元也何緣施於春秋於春

直隸秦州新志

卷之五

雜記中

留

秋而用漢歷於義無乃遠乎傳之違失多矣不惟斯事而已襄公二十七年冬十有一月乙亥朔日有蝕之傳曰辰在申司歷過再失閏也考其去交分交會應在此月而不爲再失閏也案歆歷於春秋日蝕一朔其餘多在二日因附五行傳著朏與側匿之說云春秋時諸侯多失其政故月行恒遲歆不以歷失天而爲之差說月之蝕朔此乃天驗也而歆反以己歷非此寃天而負時歷也杜預又以爲周衰世亂學者莫得其真今之所傳七歷皆未必是時王之術也今

誠以七家之歷以考古今交會信無其驗也皆由斗分疏之所致也殷歷以四分一爲斗分三統以一千五百三十九分之三百八十五爲斗分乾象以五百八十九分之一百四十九爲斗分今景初以一千八百四十三分之四百五十五爲斗分疏密不同法數各異殷歷斗分麤故不施於今乾象斗分細故不得通於古景初斗分雖在麤細之中而日之所在乃差四度日月虧已皆不及其次假使日在東井而蝕以月驗之乃在參六度差違乃爾安可以考天時人事

直隸秦州新志

卷之十一

雜記中

七

乎今治新歷以二千四百五十一分之六百五爲斗分日在斗十七度天正之首上可以考合於春秋下可以取驗於今世以之考春秋三十六蝕正朔者二十有五蝕二日者二蝕晦者二誤者五凡三十三蝕其餘蝕經元日諱之名無以考其得失圖緯皆云三百歲斗歷改憲以今新歷施於春秋之世日蝕多在朔春秋之世下至於今凡一千餘歲交會弦望故進退於三蝕之間此法乃可永載用之豈三百歲斗歷改憲者乎甲子上元以來至魯隱公元年己未歲凡

八萬二千七百三十六至晉孝武太元九年甲申歲  
凡八萬三千八百四十一筭上 晉書論曰歲以月  
蝕檢日宿度所在爲歷術者宗焉又著渾天論以步  
日於黃道駁前儒之失並得其中矣

石鑿都督隴右諸軍事坐論功虛僞免官

李重字茂曾江夏鍾武人父景秦州刺史都亭侯

傅元字体奕北地泥陽人祖燮漢漢陽太守元爲御  
史中丞上疏曰鄧艾取一時之利不慮後患使鮮卑

數萬散居人間此必爲害之勢也秦州刺史胡烈素

直隸秦州新志

卷之三

雜記中

巽

有恩信於西方今烈往諸胡雖已無惡必且消弭然  
獸心難保不必其可久安也若後有動釁烈計能制  
之惟恐套部適困於討擊便能東入安定西赴武威  
外名爲降可動復動此二郡非烈所制則惡胡東西  
有窟穴浮游之地故復爲患無以禁之也宜更置一  
郡於高平川因安定西州都尉募樂徙民重其復除  
以充之以通北道漸以實邊詳議此二郡及新置郡  
皆使并屬秦州令烈得專御邊之宜帝嘉納之  
向雄遷秦州刺史假赤幢曲蓋鼓吹賜錢二十萬

段灼追理鄧艾疏曰鄧艾解狄道之圍留屯上邽是歲少雨艾爲區種之法手執耒耜率先將士焉

馬隆爲東羌校尉積十餘年威信振於隴右時略陽太守馮翊嚴舒與楊駿通親密圖代隆毀隆年老謬老不宜服戎於是徵隆以舒代鎮氏羌聚結百姓驚懼朝廷恐關隴復擾乃免舒遣隆復職

汝南王司馬亮持節都督關中雍涼諸軍事會秦州刺史胡烈爲羌虜所害亮遣將軍劉旂赴救不進坐是貶爲平西將軍旂當斬亮言咎由節度乞丐旂死直隸秦州新志

卷之三

雜記中

七

詔免亮官

河間王司馬顥鎮關中選置百官改秦州爲定州

皇甫重字叔倫安定朝那人性沉果有才用爲司空張華所知稍遷新平太守元康中華版爲秦州刺史長沙王乂以重弟商爲叅軍時河間王顥鎮關中其將李含與商重有隙請除之重知其謀乃露檄上尙書以顥信任李含將欲爲亂召集隴上士衆以討含爲名乂以兵革始寧遣使詔重罷兵徵含爲河南尹重不奉詔顥遣金城太守游楷隴西太守韓雅等四

郡兵攻之頃之顛起兵攻之又屢敗乃使商間行齋  
帝手詔使游楷等罷兵令重進軍討顛商過長安爲  
顛所殺重猶閉門堅守城內莫知而四郡兵築土山  
攻城重輒以連弩射之所在爲地窟以防外攻權變  
百端外軍不得近城將士爲之死戰顛知不可拔乃  
表遣御史宣詔喻之令降重知非朝廷本意不奉詔  
獲御史騶人問曰我弟將兵來欲至未騶云已爲河  
間王所害重失色立殺騶於是城內知無外援遂共

殺重

按華版爲秦州刺史華卽張華版猶表也  
或以華版爲人名則重爲何官耶誤矣

直隸秦州新志

卷之三

雜記中

哭

郝恢以功進征虜將軍領秦州刺史加督隴上軍

裴黎一名演楷之長兄也其子苞爲秦州刺史

永嘉初東羌校尉韓稚殺秦州刺史張輔時張軌已

霸河西遣兵討之遺稚書曰適得雍州檄云卿稱兵

內侮吾輩任一方義在伐叛武旅三萬駱驛繼發伐

木之感心豈可言古之行師全國爲上卿若單馬軍

門者當與卿共平世難也稚得書而降

軌後病風口不能言使子茂攝州事酒泉太守張鎮

潛引秦州刺史賈龕以代軌龕兄責之乃止

憲興初徵張茂爲侍中以父老固辭尋拜平西將軍  
秦州刺史

承昌初茂使將軍韓璞率衆取隴西南安之地以置  
秦州

承和中詔遣侍御史俞歸拜張重華護羌校尉涼州  
刺史假節是時石虎西中郎將王擢屯結隴上爲苻  
雄所破奔重華重華以爲征虜將軍秦州刺史授擢  
兵使攻秦州尅之遣使上疏曰季龍自斃遺燼游魂  
取亂侮亡覩機則發臣今遣前鋒都督裴恒步騎七  
直隸秦州新志

卷之十二

雜記中

兕

萬遙出隴上以俟聖朝赫然之威山東騷擾不足厝  
懷長安膏腴宜速平蕩臣守任西荒山川悠遠大誓  
六軍不及聽受之末猛將鷹揚不豫告成之次瞻雲  
望日孤憤義傷彈劍慷慨中情蘊結於是遣使進重  
華爲涼州牧

桓溫入關王擢時鎮隴西馳使於張祚言溫善用兵  
勢在難測祚旣震懼又慮擢反墜遣人刺擢不克更  
遣其平東將軍秦州刺史牛霸率三千人擊擢破之  
奔于苻健

永昌元年劉曜討楊韜於南安韜與隴西太守梁冀等降于曜皆封列侯

永和初石虎發雍洛秦并州十六萬人城長安未央宮

石鑿僭位以郎闔爲司空秦州刺史

仇池氏楊世初以地降于苻堅堅署爲平南將軍秦州刺史仇池公旣而歸順于晉世死子纂代立遂受天子爵命而絕於堅咸安元年纂降于侯雅送之長安堅以楊統爲秦州刺史後又以王統爲南秦州刺史直隸秦州新志

卷之三 雜記中。

五

史鎮仇池

苻堅遣姚萇等率騎十三萬伐張天錫又遣其秦州刺史苟池等率州人以繼之

苻丕時王統弟廣還自成都奔其兄秦州刺史統爲河州牧毛興所襲亡奔秦州隴西鮮卑匹蘭執之送詣姚萇興旣敗王廣謀伐王統平上邽爲枹罕諸氏所殺

丕以王永爲左丞相永檄州郡討姚萇慕容垂於是天水羌延等承檄起兵各有衆數萬皆封列侯

苻登以竇衝爲車騎大將軍南秦州牧

劉曜之平陳安也以姚弋仲爲平西將軍封平襄公  
邑之於隴上及石虎剋上邽弋仲說之曰隴上多豪  
秦風猛勁道隆後服道沔先叛宜徙隴上豪強虛其  
心腹季龍納之

姚襄初起以天水尹赤爲司馬略陽伏子成爲左部  
帥王黑邠爲前部帥強白爲後部帥權翼爲叅軍

姚萇奔渭北遂如馬牧西州豪族尹詳趙曜王欽盧  
牛雙狄廣張乾等率五萬餘家推萇爲盟主萇猶豫

直隸秦州新志

卷之主

雜記中

五

天水尹緯說萇曰今百六之數旣臻秦亡之兆已見

以將軍威靈命世必能匡濟時艱故豪傑驅馳咸同

推仰明公宜降心從議以副羣望不可坐觀沈溺而

不拯救之萇乃從緯議以太元九年自稱萬年秦王

年號白雀以尹詳爲長史尹緯爲司馬天水狄伯支

焦虔梁希龐魏任謙爲從事中郎姜訓閻遵爲掾屬

王據焦世蔣秀尹延年牛雙張乾爲叅軍王欽盧姚

方成王破虜楊難尹嵩裴騎趙曜狄廣党刪等爲帥

又南安龐演姚晃亦爲長史司馬

自狄伯支以下  
史皆竈以天水



太元中姚萇如秦州王統降萇饗將士於上邽南安人成古詵進曰臣州人殷地險雋傑如林用武之國也王秦州不能收拔賢才三分鼎足而坐玩珠玉以至於此陛下宜散秦州金帛以施六軍旌賢表善以副鄙州之望萇善之擢爲尚書郎

義熙中姚興討仇池公楊盛與諸將會於隴口天水太守王松忿言於刺史姚嵩曰先皇神略無有威武寇世冠軍徐洛生猛毅兼人佐命英輔再入他池無功而無還非楊盛智勇能全直是地勢然也今以趙直隸秦州新志

卷之十一 雜記中 五

琨之衆使君之威準之先朝實未見成功使君具悉形便何不表聞嵩不從爲盛所敗乃具陳松忿之言興善之

苻堅末年妖星見於東井尹緯知堅將滅喜甚向天再拜旣而流涕長歎友人略陽桓識怪而問之緯曰天時如此正是霸王龍飛之秋吾徒杖策之日然知已難遭恐不得展吾才志是以欣懼交懷

六郡流人之推李特爲主也上邽令任臧始昌令閻式等上書請依梁統奉竇融故事

李任閻趙上官楊本六郡之豪

苻堅之亂呂光庶長子纂西奔上邽轉至姑臧  
秦始初乞伏祐隣與鮮卑鹿結相攻擊鹿結敗因奔  
略陽

乞伏軋歸遣其弟秦州牧乞伏益州討天水姜乳於  
上邽羣臣諫不聽益州以驕敗軋歸曰孤違蹇叔以  
至於此孤之罪也將士何爲皆赦之

太元中乳逐  
姚碩德據之

初武帝假楊飛龍爲征西將軍還居略陽

惠帝元康六年齊萬年之亂略陽天水等六郡民數  
萬家流入漢川略陽氏李特振救之由是得衆

直隸秦州新志

卷之十一

雜記中

十一

李雄之子班爲僞太子時引名士隴西董融天水文  
夔等爲賓友

東晉時秦州人鄧定等二千餘家饑餓流入漢中保  
於城固漸爲抄盜梁州刺史張殷遣巴西太守張燕  
討之守窘急僞乞降於燕并餽燕金銀燕喜爲之緩  
師定密結李雄雄遣衆救定燕退定遂進逼漢中  
太元十二年後秦徙秦州三萬戶於安定

十九年後秦將強熙叛姚興討之熙敗率戶二千奔

秦州

先是鮮卑勃寒侵隴右苻堅以乞伏司繁爲鎮西將軍以討之勃寒降司繁遂鎮勇士川

咸安初司繁降王統

直隸秦州新志卷之十二 雜記中終

直隸秦州新志 卷之十二 雜記中 五十四

直隸秦州新志卷之十二下

雜記

叢談

宋

武帝永初元年乞伏熾槃進號安西大將軍

文帝元嘉二年十一月癸酉以前將軍楊玄爲征西將軍北秦州刺史

元嘉七年六月己卯以冠軍將軍氐楊難當爲秦州刺史九年加號征西將軍

直隸秦州新志

卷之十二

雜記下

一

元嘉九年六月乙未以征西將軍吐谷渾慕容瓚爲西秦河二州刺史隴西王

十五年二月丁未以平東將軍吐谷渾慕容延爲鎮西將軍秦河二州刺史明年改封河南王

二十年七月癸丑以揚文德爲征西將軍北秦州刺史封武都王

三十年六月辛酉安西將軍西秦河二州刺史吐谷渾拾寅進號鎮西大將軍

孝武帝孝建二年三月壬子以行征西將軍楊文智

爲征西將軍北秦州刺史

明帝泰始二年秋七月丁酉以仇池太守楊僧嗣爲北秦州刺史武都王明年進號征西將軍

後廢帝元徽四年五月以寧朔將軍武都王楊文慶爲北秦州刺史後進號征西將軍

順帝昇明二年六月丁酉以輔國將軍楊文宏爲北秦州刺史

初武帝定關中將還三秦父老詣門流涕訴曰殘民不沾王化於今百年始覩衣冠方仰聖澤長安十陵

直隸秦州新志

卷之十一

雜記下

二

是公家墳墓咸陽宮殿數千間是公家屋宅捨此欲何之帝爲之愍然慰辟曰受命朝廷不得擅留感諸君念本之意今留第二兒令鎮此境乃以次子義正都督雍涼秦諸軍事委以關中之任尋又進督并東秦二州領東秦州刺史時隴上流人多在關中望因大威復得歸本及置東秦州父老知無復經畧隴右固關中之意咸感歎息

王智從征長安留爲桂陽公義正安西將軍司馬天水太守

劉道產爲梁南秦二州刺史有惠化關中流民前後出漢川歸之者甚多元嘉六年道產表置隴西宗康二郡以領之

薛安都初任拓跋氏助其秦州刺史比賀汨擊反羌曰龍子滅之由是爲僞雍秦二州都統州各有刺史都總統其事

仇池之平也以胡崇之爲龍驤將軍北秦州刺史尋爲虜所執

拓跋濬有散騎常侍鎮西將軍清水公拾遺敕文

直隸秦州新志

卷之十三

雜記下

三

賈息會稽人少有志行爲鄉曲所推重元嘉三年母亡居喪過禮未葬爲隣火所逼息及妻栢氏號哭奔救隣近赴助棺攬得免恩及栢俱見燒死有司奏改其里爲孝義里蠲租布三世追贈天水部顯親縣左尉按其人無與此地而其贈尉則用此官亦佳事也故錄

元嘉中大且渠蒙遜卒文帝以其子茂虔都督秦河沙涼四州諸軍事涼州刺史河西王茂虔弟儀德爲

征東將軍秦州刺史按此秦州乃假號也宋未嘗得有其地卽沮渠亦只在河西終宋之世若宗室名臣都督雍涼南北秦四州居州諸軍事者其北秦皆假號也今俱弗載

齊

高帝父蕭承之在宋朝為梁州橫野府司馬漢中太守從蕭思話討氐帥楊難當有功

宋元嘉二十九年高帝領偏將軍征仇池破武興蘭  
臯二壘

建元二年冬十一月戊子以氐楊後起為秦州刺史

三年冬十月戊子以吐谷渾度易侯為西秦河二州  
刺史河南王

武帝永明八年八月乙酉以行河南王世子休留成

直隸秦州新志

卷之七

雜記下

四

為秦河二州刺史

明帝建武二年秋七月辛卯以氐楊馥之為北秦州  
刺史

四年冬十一月丙辰以氐楊靈珍為北秦州刺史

焦度字文續南安氐人祖文珪避難至襄陽宋元嘉  
中僑立天水郡略陽縣乃屬焉以軍功卒贈梁秦二

州刺史

觀此則南朝所謂秦州  
天水畧陽者槩可知矣

武帝永明四年造戶籍分置州郡雍州涼州秦州等  
二十五州在河南湘州懷州秦州東雍州等十三州

在河北凡分魏晉舊司豫青兗冀并幽秦雍涼十州地及宋所失淮北爲三十八州矣

梁

武帝天監元年六月庚戌以行北秦州刺史楊紹先爲北秦州刺史武都王

天監三年九月壬子以河南王世子伏連籌爲西秦河二州刺史河南王

中大通元年三月丙辰以河南王阿羅正爲西秦河沙三州刺史

直隸秦州新志

卷之十三

雜記下

五

中大通二年夏四月壬申以河南王佛輔爲西秦河二州刺史

六年三月己亥以行河南王可沓振爲西秦河二州刺史河南王

八月己未以南梁州刺史武興王楊紹先爲秦南秦二州刺史

敬帝紹泰元年鎮北將軍譙秦二州刺史徐嗣徽進

號征北大將軍

按此秦與譙相近也

曹景宗新野人刺史蕭赤斧拔爲冠軍中兵參軍領



天水太守梁書無州郡志考齊書雍州有新野郡有南天水郡亦有畧陽西縣皆僞置也然則蕭赤斧乃雍州刺史也錄此者爲北秦州証也

張纘字伯緒太清中都督雍涼北秦東益郢州之竟陵司州之隨郡諸軍事按江左命官都督雍涼者多帶竟陵等處則以雍州原寄

襄陽故也乃其地亦有北秦畝

羊侃於魏正光中爲偏將隸蕭寶寅討秦州羌莫遮念生念生遣其弟天生寇雍州侃潛身巡塹伺射天生應弦而倒其衆遂潰侃後歸順以功名終

杜懷寶杜陵人其先自北歸南居於雍州之襄陽遂

直隸秦州新志

卷之七

雜記下

六

家焉大同初懷寶爲梁州刺史值魏梁州刺史元羅舉州內附懷寶復進督華州時秦州所部武興氏王楊紹反懷寶擊破之五年卒於鎮第七子崩別見

太清中以徐文盛督涼南秦沙東益巴北巴六州諸軍事仁威將軍秦州刺史授以東討之任於是文盛督衆軍東下至武昌

陰子春字幼文父智伯官至梁秦二州刺史普通中子春累遷至南梁州刺史又遷都督梁秦華三州諸軍事梁秦二州刺史

簡文帝大寶三年五月魏遣太史潘洛辛等寇秦郡王僧辯遣杜弼帥衆拒之

承聖三年春正月秦州刺史嚴超遠自秦郡圍涇州侯瑱張彪出石梁爲其聲援六月魏遣將步六汗薩

率衆救涇州

按此則秦郡似與涇州相近然究不知其在向所也

齊將郭元建攻秦州刺史嚴超遠於秦郡王僧辯令杜弼赴援陳霸先自歐陽來會與元建大戰於士林弼因縱兵擊大破之

陳

直隸秦州新志

卷之十三

雜記下

七

武帝在梁紹泰初爲侍中大都督中外諸軍事表自東討至義興秦州刺史徐嗣徽據其城帝於冶城寺立柵十一月甲辰嗣徽等攻冶城柵帝領精兵出西明門襲擊之嗣徽留人守城自往南州采石以迎齊援十二月癸丑帝遣侯安都領舟師襲嗣徽家口於秦州官軍連艦塞淮口斷賊水路

宣帝大建五年三月己丑北討大都督吳明徹發自白下四月辛亥克秦州水柵辛酉齊軍救秦州明徹又破之五月戊子又克譙郡城秦州城降

觀此數條則南朝之

所謂秦州可知矣事宜附在兵戎然非真此地之兵戎也故入雜記

元魏紀年之說已見兵戎自茲以後地為其所有事較多故加嚴非專秦州者不錄

太平正君六年秦州刺史周鹿觀率眾討汾曲盜薛永宗不克而還

晉泰元年以車騎大將軍滑州刺史侯莫陳悅為儀同三司秦州刺史

文成皇后馮氏長樂信都人父朗秦雍二州刺史坐事誅后遂入宮

孝文帝欲都洛詔羣官前秦州刺史呂受息等仍守

直隸秦州新志

卷之十一

雜記下

八

愚固帝皆撫而答之詞屈而退

河間公齊與楊保宗對鎮駱谷保宗欲閉險自固秦州主簿邊因知之密告齊齊晨詣保宗呼曰古弼至欲宣詔保宗出齊叱左右扶保宗上馬馳驛送臺

元崙以功除統萬鎮將從永昌王仁南征別出汝陰濟淮宋將劉康祖屯於慰武亭以邀軍路師人患之崙曰今大風既勁若令推草車方軌並進乘風縱烟火以精兵自後乘之破之必矣從之斬康祖傳首行宮詔除秦州刺史封隴西公

陽豐公庫汗明於斷決每奉使察行州鎮折獄以情所歷皆稱之秦州父老詣闕乞庫汗爲刺史者前後千餘人朝廷許之未及遣而卒

元譚頗強立少爲宗室所推敬出爲高陽太守爲政

嚴斷豪右畏之除安西將軍秦州刺史

杜祖悅京兆人頗有識尚稍遷天水仇池二郡太守

羅衡代人也羅結之後累遷天水太守

古弼代人也宋將裴方明等擊楊難當難當遣使請

拔兵未至難當奔上邽方明克仇池立楊元庶子保

直隸秦州新志

卷之三

雜記下

九

職於是假弼節督隴右諸軍宋遣其秦州刺史胡崇

之屯仇池弼與元齊邀崇之於濁水擒之弼復與東

道將皮豹子等討仇池仇池平未幾諸氏復推楊文

德爲主圍仇池弼發上邽等諸軍討之仇池圍解豹

子屯下辯欲還弼止之世祖嘉焉

此一人將畧故不久兵戎

王斤鎮長安驕矜不順法度信用左右調役百姓民

不堪之南奔漢川者數千家而委罪於秦州刺史任

延明等世祖召二人問狀知爲斤所誣遣人復按虛

實得數十事遂斬斤以徇

周觀代人也驍勇有膂力每在軍陳必應募先登以功進爵金城公除秦州刺史撫馭失和民薛永宗聚衆於汾曲以叛觀討永宗爲流矢所中世祖幸蒲坂觀聞帝至驚怖而起瘡重遂卒

按前帝紀有周鹿觀討薛永宗不克殆卽

此人也然觀其賊在汾曲而駕臨蒲坂則是蒲坂之秦州可知

陸正代人也父洛侯秦州刺史真少善騎射以膂力過人數從征伐以功至大官封侯

陸定國代人龐之子襲父平原王爵恃恩不修法度坐事免官爵爲兵太和初復除侍中鎮南將軍秦益

直隸秦州新志

卷之三

雜記下

十

二州刺史復王爵八年薨於州

王嶷北海劇人以父任爲中書學生稍遷南部大夫至南部尚書在任十四年時南州多事文奏盈几訟者填門嶷性懦緩委隨不斷終日在坐昏睡而已時人爲之語曰實癡實昏終得保存進爵樂安公出爲鎮西將軍秦州刺史改爲華山公

秦州呂苟兒反李煥爲平西將軍督兵進討煥遣別將石長樂等由麥積崖赴援屬都督元麗至遂共平之

薛謹字法順河東汾陰人與其父辯同歸國授河東太守襲爵汾陰侯世祖尅蒲坂以新舊之民弁爲一郡謹仍爲太守遷秦州刺史將軍如故進安西將軍涪陵公刺史如故謹自郡遷州威惠兼備風化大行時兵荒之後儒雅道息謹命立庠教以詩書三農之暇悉令受業躬巡邑里親加考試於是河汾之地儒道興焉

前於名宦志已註明茲復備錄以証

謹孫允爲都將討秦州反賊支酉生擒斬之薛世遵代人薛虎子之子景明中爲秦州刺史

直隸秦州新志

卷之三

雜記下

十一

韋道福杜陵人父巽仕宋爲秦州刺史

說見官師

皮豹子漁陽人爲仇池鎮將興安二年宋遣其將蕭

道成王虬馬光等入漢中別令楊文德楊頭等率諸

氏羌圍武都豹子遣人於祁山取馬欲往赴援文德

謂豹子欲斷其糧運據險自固豹子上表乞師請遣

秦州之民送軍祁山詔益之兵宋將乃退復遣其將

殷孝祖修兩當城於清東以逼南境封敕文擊之不

克詔豹子助擊之宋遣步卒五千助戎兩當去城八

里與豹子前鋒候騎相遇卽便交戰豹子軍繼至縱

騎追擊大破之至於城下其免者千餘人而已  
皮喜豹子子亦爲仇池鎮將申恩布惠夷民大悅歸  
附者甚衆於是置廣業固道二郡以居之太和元年  
劉宋葭蘆戍主楊文度竊據仇池詔喜討之遣平西  
將軍楊靈珍擊文廣所置仇池太守楊真真衆潰僅  
而得免喜遂軍於覆津文度遣將守津道懸崖險絕  
偏閣單行喜兵攀崖涉水衝擊其將追奔西入攻葭  
蘆城拔之斬文度傳首京師

游曇護太和中爲典寺令慰勞仇池爲賊所害

直隸秦州新志

卷之十一

雜記下

七

高欽字希叔漁陽雍奴人頗有文學莫折念生之反  
也欽隨元志西討志敗爲賊所擒念生以爲黃門郎  
死於秦州

崔遊字延叔博陵安平人中山王英引爲司馬英敗  
遊坐徙秦州久而得還後除南秦州刺史爲亂人韓  
祖香等所執害

薛安都寇宏農執太守李拔等遂逼陝城時秦州刺  
史杜道生討安都仍執拔等南遁及世祖臨江拔乃

得還

按此秦州  
似非此地

薛道標安都之子太和間以鎮南將軍爲秦州刺史  
十三年卒子達爲漢陽太守不樂爲郡詔聽解卒  
道次安都少子爲安西將軍秦州刺史假河南公子  
密別見

宋弁廣平人次子紀爲秦州大羌令

李崇頓邱人當楊靈珍襲破武興詔崇督隴右諸軍  
討之崇槎山分道進據赤土靈珍遣弟屯龍門躬率  
精勇據鷲峽崇遣將從他路夜襲龍門破之乃自攻  
靈珍多設疑兵襲尅武興靈珍遠遁

直隸秦州新志

卷之三

雜記下

三

傅永除太中大夫行秦梁二州事代邢巒鎮漢中

裴芬之爲岐州刺史正光末元志西討隴賊軍敗退  
守岐州爲賊所圍城陷志與芬之並爲賊擒送於上  
邽爲莫折念生所害

李忻榮漢中人以戰歿封其子建爲清水縣開國子  
食邑二百戶

尒朱天光討平秦賊元曠以之爲隴西王

盧同范陽人延昌中秦州民反詔同兼通直常侍持  
節慰諭之多所降下



常景字永昌河內人也父文通天水太守

張普惠爲光祿大夫時仇池武興羣氏數反西垂郡  
戍祖運久絕詔普惠爲西道行臺給秦岐涇華雍幽  
東秦七州兵武三萬人任其召發送南秦東益二州  
兵租分付諸戍普惠至南秦停涇岐華雍幽東秦六  
州兵武召秦州兵武四千入分配四統領送租兵連  
營接柵相繼而進秦關所縮武都武階祖頗得達東  
益羣羌先款順故廣業仇鳩河池三城粟便得入

賀拔岳以功封清水郡公都督三雍三秦二岐二華

直隸秦州新志

卷之七

雜記下

十四

諸軍事後又進督四梁二益等二十州諸軍事

侯莫陳悅代郡人父婆羅門爲馳牛都尉故悅長於

河西好田獵便騎射積軍功進爵爲公普泰中除儀

同三司秦州刺史永熙初加開府都督隴右諸軍事

仍秦州刺史賀拔岳召悅共討靈州悅誘殺岳岳之

所部聚於平涼夏州刺史宇文黑獺總岳部衆入隴

征悅悅棄城南據山水之險召南秦州刺史李景和

景和密降黑獺勒其所部使上驢駝云儀同有教欲

還秦州復給悅帳下云儀同欲還秦州汝等何不辦

裴人情惶惑皆散走而趨秦州景和先至據城以慰  
輯說部衆離散猜畏旁人不聽左右近已與其二弟  
并兒及謀殺岳者八九人棄軍逃走數日之中盤回  
往來不知所趨乃於中山令從者悉步自乘一騾欲  
向靈州中路追騎將及遂縊死野中第息部下悉見  
擒殺悅自殺岳後神情恍惚不復如常恒言我僅睡  
卽寤見岳語我兄欲何處去隨我不相置因此彌不  
自安而致敗滅

馮熙字晉昌長樂信都人文明太后之兄也父朗官

直隸秦州新志

卷之三

雜記下

五

至秦雍二州刺史遼西郡公坐事誅

李惠長於思察雍州廳事有燕爭巢鬪已累日惠令  
人掩獲以弱竹彈兩燕旣而一去一留惠笑謂吏屬  
曰此留者自計爲巢功重彼去者旣經楚痛理無留  
心羣下服其聰察人有負鹽負薪者同釋重擔息於  
樹陰二人將行爭一羊皮各言藉背之物惠遣爭者  
出令人置羊皮席上以杖擊之見少鹽屑曰得其實  
矣使爭者視之負薪者乃伏而就罪凡所察究多如  
此類由是吏民莫敢欺犯

惠先爲秦州刺史其事  
不傳卽此可見故錄之

太和八年始準古班百官之祿以品第各有差先是天下戶以九品混通戶調帛二匹絮二斤絲一斤粟二十石至是戶增帛三匹粟二石九斗以爲官司之祿所調各隨其土所出其雍華秦洛等十九州貢綿絹及絲岐涇秦安營幽等及光郢東秦司州等秦州河東之蒲坂汾陰縣等數十州郡皆以麻布充稅觀此則當時有秦州有蒲坂之秦州有東秦有貢綿絹之秦州可見

天平三年秋并肆汾建晉秦陝東雍南汾九州霜旱民饑流散四年春開倉賑恤而死者甚衆時諸州調

直隸秦州新志

卷之三

雜記下

六

絹不依舊式齊獻武王以其害民請班海內悉以四十尺爲度天下利焉此秦州近汾陝

熙平中禁妖言犯者輒死延陵有月光童子劉景暉者甫九歲人謂其能變爲蛇雉有司以其愚小請依凡律靈太后令曰可謫畧陽民

正光時莫折念生之亂前河州刺史息景進引念生攻河州爲行河州高徽所敗景進等皆退奔秦州

按前所稱齊獻武王卽北齊神武帝高歡也先是其年春神武令阿至羅逼西魏秦州刺史建忠王万俟普撥降之次年春神武以九州霜旱請所在開倉賑給見北齊帝紀

北齊

段榮字子茂姑臧人少好星象之學正光初語人曰不及十年當有亂或問起於何處當可避乎榮曰亂源始此無所避也未幾果然天平三年轉行秦州事榮性溫和所歷皆推仁恕民吏愛之

乞伏令和與兄貴和武平末並開府儀同三司相繼投周令和授柱國隨大業初卒於秦州總管

薛循義河東人祖仁壽秦州刺史汾陰公當是薛謹之後

可朱渾元遼東人從余朱天光以功為渭州刺史侯

直隸秦州新志

卷之三

雜記下

七

莫陳悅走元收其眾入據秦州為周攻圍苦戰結盟而罷

皇甫和朝那人其先因官寓居漢中祖澄南齊秦梁二州刺史父徽字子元梁安定略陽二郡太守

源彪字文宗西平樂都人天統初秦州刺史宋嵩卒朝廷以州在邊陲以文宗往蒞涇州頗著聲績除秦

州刺史乘傳之府特給後部鼓吹

按文義應是此秦州然彪本傳接云

李孝貞聘陳陳主謂之曰齊朝還遺源涇州來瓜步可謂通和矣及吳明徹寇江南趙彥深謂文宗曰弟往在涇州甚悉江淮間事云云則此涇秦皆南土也前已辨之

周

太祖宇文氏諱泰字黑獺在魏永熙時爲夏州刺史

秦州刺史侯莫陳悅旣害賀拔岳魏帝詔太祖史氏舊文

統領岳衆太祖與悅書責之悅懼太祖謀已乃詐爲

詔書與秦州刺史万俟普撥令與悅爲黨援普撥疑

之封詔以呈太祖太祖表之並請討悅万俟普撥又

遣其將叱干保洛領二千騎來從軍太祖引兵上隴

悅衆離散退保畧陽太祖卽率輕騎趣畧陽或勸悅

退保上邽以避之時南秦州刺史李弼請爲內應悅

藍隸秦州新志

卷之五

雜記下

六

軍驚潰太祖遣兄子導追悅至牽屯山斬之太祖入

上邽收悅府庫財物山積皆以賞士卒毫釐無所取

左右竊一銀鏤甕以歸太祖知而罪之卽剖賜將士

衆大悅太祖乃令衛將軍趙貴行秦州事齊神武聞

秦隴克捷乃遣使來深相依結太祖拒而不納

太祖之討悅也悅遣使請援於齊神武神武使其都

督韓軌將兵一萬據蒲坂而未得入關魏帝進太祖

關內大都督畧陽縣公承制封拜於是以李弼爲秦

州刺史前畧陽郡守張獻爲南岐州刺史

時魏帝方圖齊神武又遣徵兵太祖乃令前秦州刺史駱超爲大都督率輕騎一千赴洛

魏大統二年秦州刺史建忠王万俟普撥率所部叛入東魏太祖追之至河北千餘里不及而還

明帝武成元年以柱國蜀國公尉遲迴爲秦州總管武帝保定二年以大將軍蔡國公廣爲秦州總管

五年秋七月庚寅行幸秦州降死罪以下

天和三年以柱國陳國公純爲秦州總管

六年以大將軍杞國公亮爲秦州總管

直隸秦州新志

卷之七

雜記下

九

建德三年以太宗伯周昌公侯莫陳瓊爲秦州總管

太祖誅侯莫陳悅遣侯莫陳崇慰撫秦州

若干惠代郡人拜秦州刺史未及之部遷司空

劉昶中山人大象中位至柱國秦靈二州總管弟靖

天水郡守

蘇湛字景儁武功人志行早著與兄亮並有名於時

蕭寶寅西討以湛爲行臺郎中深見委任寶寅將謀

叛逆令湛從母弟天水姜儉謂湛曰吾不能坐受死

亡今便爲身計不復作魏臣也與卿生死榮辱方當

其之故以相報湛聞之舉聲大哭儉遽止之曰何得  
便爾湛曰闔門百口卽時屠滅云何不哭哭數十聲  
徐謂儉曰爲我白齊王王本以窮而歸人賴朝廷假  
王羽翼遂得榮寵至此旣屬國步多虞不能竭誠報  
德豈可乘人閒隙便有問鼎之心乎寶寅復令儉謂  
湛曰此是救命之計不得不爾湛復不從寶寅素重  
之乃聽還武功寶寅後果敗

薛明汾陰人大象末儀同大將軍清水郡守

楊荐秦郡寧夷人進爵清水縣子

直隸秦州新志

卷之三

雜記下

二

韋瑱杜陵人祖千雄魏畧陽郡守

初太祖與魏太子西巡于提之孫實時從太祖刻石  
於隴山之上錄功臣位以次鐫勒預以實爲儀同  
太祖常賜諸子馬齊王憲獨取駿馬曰色類旣殊或  
多駿逸太祖喜後從獵隴上經官馬牧太祖每見駿  
馬輒曰此我兒馬也命取賜之

隋

高祖文皇帝初仕周年十五封成紀縣公

文帝旣滅陳配其宗室於隴右

開皇二年以大將軍竇榮定爲秦州總管

三年冬以秦王俊爲秦州總管

煬帝大業五年四月西巡至天水大獵於隴西

七年夏煬帝避暑隴川宮

後齊文襄嗣位猶爲魏臣置王高祖秦州使君以下

至獻武王凡四廟

見隋書禮儀志

齊武成中祀高祖秦州刺史等並奏始基之樂

音樂志

楊處綱高祖族父也性質直在官疆濟爲當時所稱

刺蒲州吏民悅之遷秦州總管卒官謚曰恭

直隸秦州新志

卷之十一

雜記下

二

吐谷渾主呂夸在位百年屢廢太子其太子謀欲執

呂夸以降請兵於邊吏秦州總管河間王宏請將兵

應之文帝不許

楊尚希然農人祖真魏天水太守

辛彥之狄道人博涉經史與天水牛宏同志好學

梁彥光安定人祖茂魏秦華二州刺史

齊王楊暕信任小人庫狄仲錡陳智偉二人詣隴西

檟炙諸胡責其名馬

宇文述貪鄙隴右諸胡子弟述皆接以恩義呼之爲



兒由是競加餽遺

煬帝大業中以楊元感初平令裴矩安集隴右  
大業中貶博士褚亮西海主簿潘徽威定主簿俱至  
隴山而徵死亮爲歛瘞人皆義之

唐

太宗皇帝嘗隋義寧元年爲秦國公特擊敗薛舉兵  
遂畧地至隴右

貞觀四年十月甲辰帝獵於魚龍川

武后時御史郭翰巡察隴右多所按劾薦狄仁傑

直隸秦州新志

卷之十一

雜記下

三

睿宗時太平公主豪富隴右牧馬至萬匹

先光元年十一月明皇巡邊西自河隴而東

開元初吐番寇邊詔常侍解琬與虜定經界琬言吐  
番不可以信約請調兵十萬屯秦渭間是冬虜果入  
寇

天寶中蘇毗王及陵贊欲舉國內附爲吐番所殺子  
悉諾率首領奔隴右

天寶十五載六月甲午詔親征丙午次河池郡

明皇西幸經河池斜谷左拾遺高適追及帝於河池

隴西郡公瑀從帝幸蜀至河池封漢中王  
車駕至河池劔南節度副使崔圓馳奏蜀土腹穀羨  
儲供易辦帝歎其忠卽日拜中書侍郎同平章事  
七月丁卯皇太子爲天下兵馬元帥御史中丞裴冕  
隴西郡司馬劉秩副之

先是開元末命榮王琬巡按隴右至是以豐王珙爲  
隴右等處節度使以隴西太守鄧景山爲副珙不行  
咸通四年二月拜秦州經畧使高駢爲南安經畧招  
討使

直隸秦州新志

卷之十一

雜記下

三

德宗時宰相賈耽嗜書尤悉地理時隴右陷於吐番  
異時州縣遠近有司不復傳耽乃繪布隴右圖上之  
詔賜幣馬珍器

建中四年朱泚反始泚去鎮留兵五百戍隴上以部  
將牛雲光督之至是雲光謀請韋臯爲帥將劫以臣  
泚臯用計悉誅之

貞元初吐番尚結贊欲間李晟大興兵踰隴無所掠  
曰召吾來乃不牛酒犒軍徐引去

武宗時河南尹王質奏署幕府者若梁國劉蕡河東

裴夷直天水趙哲隴西李行方皆一時選云  
中和二年僖宗幸蜀都統鄭畋與涇原程宗楚秦州  
仇公遇鄜延李孝恭夏州拓拔思恭約盟傳檄天下  
初天寶盜起中國用兵而河西隴右不守陷於吐番  
至大中咸通始復隴右

陸贄爲相命吏部據內外員三分之計闕集人歲以  
爲常是時河西隴右沒於虜河南河北不上計吏員  
大率減天寶三之一

宗室世系表載先秦御史大夫李曇生子崇字伯嘉  
直隸秦州新志

卷之三

雜記下

四

秦隴西守入漢有隴西太守伯考生尚成紀令因居  
成紀前涼張駿天水太守李弇高之祖也其別支在  
後周有秦河渭三州刺史貞又別房之後有成紀令  
朝其以隴西郡縣爲封爵者不錄

李暉第八子翻其後有元魏河秦二州刺史權唐秦  
州刺史憬秦州叅軍叔綦後魏秦州刺史孝伯

宰相世系表裴氏有後魏天水太郡秀業

竇氏有唐河池郡司馬明哲天水都督懷恪

太原王氏有上邽尉向

張華之後有成紀丞思義

漢弓高侯韓頰當之後有東漢隴西太守尋

盧氏有秦州刺史秦卿

孫氏有東漢天水太守曼

天水姜氏有後周秦州刺史遠九真姜氏亦出天水  
薛氏有隴西太守上童秦州都督純

韋氏有秦州都督師責秦州刺史協字欽仁

唐氏有秦州刺史茂秦州守仲璨清水令元道上邦  
令昱

直隸秦州新志

卷之三 雜記下

三五

鄭興之後有秦州司馬秦客

渾氏有秦州司馬正孫

天水權氏有兩當令頊

令孤氏有上邽令濬

高平徐氏有晉隴西內史暢字彥春

太宗貞觀中詔秦州都督紀王慎等所任州刺史并  
功臣令世世襲會長孫無忌等固讓遂廢不行

馮盎高州人本北燕馮宏之後留番禹爲本郡太守  
王世矣盎嘗與楊素論兵素奇之拜漢陽太守

裴仲先聞喜人炎之子歷秦州都督坐累且誅頰寧相張說右之免官

王君奭爲隴右節度使吐番寇邊君奭率秦州都督張景順乘水度清海襲破之

乾元中岐隴賊郭諳等掠州縣崔光遠爲鳳翔尹喻降之旣而沈欽不親事諳等陰約黨項及奴刺突厥敗秦州刺史韋倫於秦隴帝怒光遠無狀召還

廣德元年吐蕃取隴右高適爲西川節度使率兵出南鄙無功

直隸秦州新志

卷之十一

雜記下

六

建中二年吐蕃請盟德宗以崔漢衡爲和蕃使往來要約遂定盟清水

李芄字茂初趙州人解褐上邽主簿嚴武爲京兆尹薦補長安尉後至尚書右僕射

宣宗大中初續圖凌烟閣諸臣有太子太保同中書門下三品宋國公蕭瑀 納言檢校并州大都督府長史天平軍大總管隴右諸軍大使譙縣子婁師德

文昌左相同鳳閣鸞臺三品襲邢國公王及善

中書令河東縣侯張嘉貞

中書侍郎同中書門下

平章事清水縣公李元紘 度支尚書同中書門下

三品范陽郡公盧承慶 納言博昌縣男韋思謙

洛州都督右衛大將軍鄴國公竇軌 中書令漢陽

郡公張柬之 陝州刺史天水郡公邱行恭 冠軍

大將軍左羽林軍大將軍光祿卿天水縣公趙承恩

河西隴右副元帥兵部尚書同中書門下平章事

涼國公李抱玉 太原尹兼御史大夫比都留守河

東節度副大使南陽郡公鄧景山 以上諸人或會官此地或地入銜封

不嫌備錄

直隸秦州新志

卷之三 雜記下

清水之盟隴右節度使張鑑給尚結贊曰唐非牛不

田蕃非馬不戰請用犬豕羊結贊聽諾乃除地為壇

刑牲壇北雜其血以進約唐地涇州右盡彈箏峽隴

州右極清水鳳州西盡同谷劍南盡西山大度水於

是升壇大享獻酬乃還帝命宰相尚書與虜使者盟

長安而清水之約疆場不定復令崔漢衡決於贊普

乃克盟

長慶元年吐蕃聞回鶻和親犯清塞堡為李文銳所

逐乃遣使來乞盟帝許之以大理卿劉元鼎為盟會

使詔宰相與尚書僕射中丞卿尹將軍及吐蕃使者  
論納羅盟京師西郊大臣豫盟者悉載名於策明年  
請定疆候元鼎與論納羅就盟其國敕虜大臣亦列  
名於策元鼎踰成紀武川抵河廣武梁故時城郭未  
隳地皆秔稻桃李榆柳岑蔚戶皆唐人見使者麾蓋  
夾道觀至龍支城耆老千人拜且泣問天子安否言  
頃從軍沒於此今子孫未忍忘唐服朝廷尚念之乎  
兵何日來言已皆嗚咽過石堡城右行數十里土石  
皆赤虜曰赤嶺而信安王禕張守珪所定封石皆什  
獨虜所立石猶存蓋隴右故地也

直隸秦州新志

卷之三

雜記下

六

大中三年吐蕃恐熱保渭州求稱爲贊普奉歸唐宣  
宗命涇原靈武鳳翔邠寧振武等兵迎援恐熱旣至  
倨夸自大且求河湟節度使帝不許還過咸陽橋歎  
曰我舉大事覬得濟此河與唐分境遂復趨落門川  
拔散卒將寇邊會久雨糧絕奔還廓州於是鳳翔節  
度使李玘復清水邠寧節度使張欽緒復蕭關鳳翔  
收秦州是歲河隴高年千餘人見闕下天子爲之御  
延熹樓賜冠帶

五代

安叔千沙陀人唐明宗時拜秦州刺史更歷四鎮叔千狀貌唐唐而不通文字所爲鄙陋時人謂之沒字碑

晉開運間杜重威爲招討使李守貞爲都監攻下秦州殺二千餘人晉兵素驕而將無節制行營所至居民豳圉一空至於草木皆盡

蜀王衍乾德二年冬北巡至於西縣旌旗戈甲連亘百餘里所在供億人不堪命

直隸秦州新志

卷之十三

雜記下

元

王衍九年以王承休爲天雄軍節度使天雄軍秦州也承休以宦者得幸妻嚴氏有絕色衍通之明年改元曰咸康以嚴氏故十月幸秦州行至綿谷而唐師入其境衍懼遽還

契丹滅晉漢高祖起於太原中國多故武雄軍節度使何建以秦成階三州附於孟昶昶攻下鳳州於是悉有王衍故地

周世宗伐蜀攻自秦州昶以韓繼勳爲雄武軍節度聞周師來伐歎曰繼勳豈足以當周兵耶客省使趙



季札請行乃以季札爲秦州監軍使季札行至德陽  
聞周兵至遽馳還奏事昶召問之季札惶懼不能道  
一言昶怒殺之乃遣高彥儔李廷珪出堂倉以拒周  
師彥儔大敗走青泥於是秦成階鳳復入於周

歐陽公五代史死節傳贊其畧曰當世宗時王環爲  
蜀守秦州攻之久不下其後力屈而降世宗頗嗟其  
忠自古忠臣義士之難得也五代之亂三人者或出  
於軍卒或出於僞國之臣可勝歎哉

三人謂王

彥章裴約劉仁贍也王環未嘗死節故別有傳

直隸秦州新志

卷之十三

雜記下

三

宋

開寶六年趙普遣親吏詣秦隴市屋材聯巨筏至京  
師治第吏因之竊貨大木冒稱普市貨鬻都下權三  
司使趙玘廉得之以聞

太平興國初秦州內附蕃部騷動命翰林司郭守文  
乘傳撫諭

太平興國八年五月詔長吏誘致關隴流亡

太宗時以國初諸方割據訟五代之制罪人率配隸  
西北邊多亡投塞外誘羌而寇乃詔當徒者勿復隸

秦州靈武通遠軍及緣邊諸郡

自唐末蕃戶有居渭南者溫仲舒知秦州驅之渭北立堡柵以限其往來太宗覽奏不懌因命寇準使渭北安撫族帳

淳化二年十二月賜秦州童子譚孺卿本科出身

景德三年九月秦州言野兒和尚族部落尤大能稟朝命凡諸族爲寇盜者輒遏絕之請加增三砦都首領

大中祥符四年帝祀汾陰秦州回鶻安密獻玉帶於直隸秦州新志

卷之三

雜記下

三

道左

大中祥符五年秦州遣指揮楊知進譯者郭敏送回鶻進奉使至甘州爲蕃所阻

大中祥符七年十一月詔給秦州七砦熟戶首領都軍主以下百四十六人告身

大中祥符九年知許州石普上言商賈自秦州來言唃廝囉欲陰報曹瑋請以臣所獻陣圖付瑋可使瑋必勝上以普言踰分除名

大中祥符九年唃廝囉立遵等數使人求內屬明道初

卽授廝羅寧遠大將軍愛州團練使授逋哥歸化將軍

真宗初田錫出使秦隴還連上章言隴西苦靈夏之役生民重困上爲之戚然

真宗謂李迪曰曹瑋在秦州屢請益兵未及遣遽辭州事第怯耳誰可代瑋者迪對曰瑋知唃廝囉欲入寇且窺關中故請益兵爲備非怯也且瑋者謀畧諸將皆非其比何可代未久唃廝囉果犯邊秦州方出兵復召迪問曰瑋此舉勝乎對曰必勝居數日奏至

直隸秦州新志

卷之三

雜記下

三

瑋與敵戰三都谷果大勝帝曰卿何以知瑋必勝迪曰唃廝囉兵遠來使謀者聲言以某日下秦州會食以激怒瑋瑋勒兵不動坐待敵至是以逸待勞也

仁宗時秦州與羌人爭古渭地仁宗問劉敞棄守孰便敞曰若新城可以蔽秦州長無羌人之虞傾國守焉可也或地形險利賊乘之以擾我邊鄙傾國爭焉可也今何所重輕規小利而使曲在中國議者多不同秦州自是多事

仁宗時隴安縣民誣平民五人爲劫盜尉悉執之一

人掠死四人遂引服其家辯於州州不爲理悉論死未幾秦州捕得真盜隴州吏當坐法而會赦帝怒特貶知州孫濟爲雷州叅軍餘皆除名流嶺南賜錢粟五家復其役三年

嘉祐中于闐使者入朝過秦州留月餘壞傳舍什吞縱其徒入市掠餘食過鳳翔陳希亮乃治之

宋時大食入朝由沙州涉夏國抵秦州天聖後恐爲西人鈔畧乃詔取海路由廣州

古渭州距秦州三百里道經啞兒峽邊城數請城之直隸秦州新志

卷之三

雜記下

三

朝廷以饋餉之艱不許范祥權領州事驟請修築未報輒自興役蕃部驚擾青唐族羌攻破廣吳嶺堡圍啞兒峽砦官軍戰死者千餘祥坐削一官

元豐四年西夏有李將軍清者本秦人說秉常以河南地歸宋其國母知之遂誅清而奪秉常政

神宗時令內侍李憲乘驛計議鳳翔邊事諸將皆聽節度中丞鄧閏甫御史周尹等極諫上弗聽

宋范鎮未仕時兄鎡卒於隴城無子鎮聞其有遺腹子在外徒步求之二年乃得之曰吾兄體有四乳是

兒必然已果然

元祐二年八月鬼章就擒檻送京師尋赦之授陪戎校尉遣赦秦州聽招其子以自贖

哲宗紹聖中去熙州鍾傳擅帥熙秦騎四萬出塞無功而還

徽宗時帝怒五路將帥劉仲武等十八人親書其姓名敕侍御史侯蒙往秦州逮治至秦仲武等囚服聽命蒙曰君輩皆侯伯無庸以獄吏辱第以實對因奏請赦之

直隸秦州新志

卷之三

雜記下

三

大觀二年九月曲赦秦鳳永興軍路

宣和間金人犯京師宣贊舍人吳革請帝幸秦州

建炎三年張浚入討苗傅傳以堂帖趣浚赴秦州

建炎五年張浚敗於富平王庶勸浚收熙河秦鳳之兵據關隴以爲後圖浚不納

紹興三年十一月宣撫司分陝西之地自秦鳳至洋河以利州制置使吳玠主之屯仙人關

紹興五年金蒲察胡盞擊關師古於臨洮衆三萬餘從攻涇州從破德順秦鞏臨洮河蘭等州破吳玠兵

胡蓋皆有力焉

紹興間與金和金欲盡取階成岷鳳秦商六州分畫地界使鄭剛中力爭不從又欲姑取商秦於大散關立界剛中又不從

紹興中秦隴叛兵欲窺蜀宣撫使盧德原勤拊循嚴守禦傳檄諸路人心以安

紹興九年李顯忠自延安南奔至河池縣見吳玠玠曰忠義歸朝惟君第一

九月命秦鳳路招納蕃部熟戶及陷沒夏國軍民

直隸秦州新志

卷之十三 雜記下

三五

紹興二十年金轉運使毛碩以鞏會德順道路多險益引斤數太重請一引分作三四以從輕便朝廷皆從之秦州倉粟陳積而百姓有支移者止就本州折納其直公私便之

隆興元年史浩欲棄陝西朝臣有言西事者詔官軍進討東不可過寶鷄北不可過德順且欲用忠義人守新復州郡而官軍退守蜀口吳璘遂歸河池

隆興元年正月吳璘奉詔還河池金人乘其後亡軍三萬餘遂陷新復十三州軍

孝宗時通判夔州陸游爲宣撫王炎陳進取之策謂經畧中原必自長安始取長安必自隴右始

開禧二年韓侂胄欲用兵吳曦將西軍六萬駐河池金人取成州曦乃焚河池還興州

開禧三年都統孫忠銳由鳳州攻大散關克之而遽還鳳州關復陷宣撫參議楊巨源至鳳州執忠銳斬之

吳曦反轉運使安丙時同居河池遂謀誅之

先是神宗初立詔慶渭秦延四州通判其選並從中

直隸秦州新志

卷之十三

雜記下

三

書母以恩例奏授

熙寧五年二月以呂公弼爲宣徽南院使判秦州

冬十月減秦鳳囚罪一等

七年閏四月以宣徽北院使張方平判永興分秦鳳

路兵爲四將

按此當入兵戎而命官則在雜記且雜記不拘先後可連而及之後做此

建中靖國元年汰秦鳳路二兵

紹興十一年七月詔優獎秦隴等州縣官到任半年

減磨勘任滿遷一官

嘉定十一年七月奪知天水軍黃炎孫二官辰州居

住上年冬金兵迫  
湫池堡炎孫道

王仁贍宋初授武德使知秦州後還朝廉得近臣戚里遣人市竹木秦隴間聯巨筏至京師所過關渡矯稱制免筭既至厚結有司悉官市之倍收其直仁贍密奏之太祖怒多所降罰

王顯字德明由樞密移知秦州初溫仲舒知州日開拓山林諷蕃部獻其地後朝廷雖嘗給還而採伐如故顯言乃者朝命以趙保吉修貢邊城務使安靜若今動衆開斥疆境非便從之

直隸秦州新志

卷之三 雜記下

三七

郭載開封人知秦州兼沿邊都巡檢使先是巡邊者多領兵騎以威戎人所至頗煩苦之載悉減去戎人感悅

何中立除龍圖閣直學士知秦州言者以爲非治邊才改慶州奏曰臣不堪於秦則不堪於慶矣願守汝不報

呂夷簡參知政事王曾謹甚曾力薦爲相及夷簡位曾上任事久多所專決曾不能堪論議間有異同遂求罷仁宗疑以問曾曰卿亦有所不足耶時外傳



知秦州王繼明納賂夷簡曾因及之帝以問夷簡曾與夷簡交論帝前曾言亦有過者遂與夷簡俱罷秦隴斜谷務造船材木率課取於民又七州出賦河橋竹索恒數十萬包拯爲陝西轉運使皆奏罷之胡宗回知秦州屬羌耶阿章叛宗回遣將王吉魏釗討之皆敗死又促鈴轄种朴往亦死之坐奪職未幾錄其堅守湟鄯之議復起知秦州

蔡居厚知秦州降羌在州者逸入京師訢事坐失察削職

直隸秦州新志

卷之三 雜記下

三

陸師閔知秦州諸道方進築被爵賞師閔在秦無所事怏怏不釋曾布議使督本部兵赴熙河共攻師閔承命踴躍集兵四萬以待而章惇陰諷熙帥鍾傅先出塞敕師閔聽傳節制築淺井又築亂羅皆不成而還傳更檄會兵於鎮耳關未至復卻秦鳳之師再出再返勞且笑言者乞加責不聽召爲戶部侍郎未及拜坐秦州詐增首虜事落職

金人旣得秦州經畧使張深遣熙河副總管劉惟輔率兵禦之又檄隴右都護張巖往追之至鳳翔境上

嚴與曲端期而不至徑前遇伏死之惟輔遁歸前於官師

志謂張深無考今於惟輔傳得之始卽此人耶蓋秦州經畧也

代淵字蘊之本代州人舉進士甲科爲清水主簿歎曰祿不及親何所爲耶還家教授舉鳳州團練推官不就著周易旨要老佛雜說數十篇

杜彥鈞景德中爲天雄軍副都部署大中祥符五年復知莫州馬和節爲潁川防禦使彥鈞換秦州

楊景宗以外戚得官授秦州刺史徙滑州性暴戾復使酒任氣所至爲人患

直隸秦州新志 卷之十一 雜記下 元

紹聖中知秦州游師雄言于闐大食拂菻等國貢奉般次踵至有司憚於供賚扣留邊方限二歲一進外夷慕義萬里而至此非所以來遠人也從之自是訖於宣和朝享不絕

金

大定二年徙單合喜定秦隴叅政石琚請曲赦秦隴以定百姓從之

貞祐初烏古論克州置秦州權場宣撫副使完顏弼以擅置移文問之克州曰近日入見許出外從宜行

事秦州自宋兵焚蕩權場幾一年矣今既安帖復宜  
開設彼此獲利歲收以十萬計對境天水軍移文來  
請如候報可實慮後時弼奏其事宰臣以兗州雖擅  
舉而無違失苟利於民專之亦可宣宗曰朕固嘗許  
其從宜也

李文秀據秦州宣宗詔鳳翔軍討之軍圍秦州城時  
愛申在軍中有罪當死宣宗問之樞帥有知其名者  
奏此人將相材忠實可倚宣宗命馳赦之以爲德順  
節度使行元帥府事

直隸秦州新志

卷之十一

雜記下

四

大定十一年右警巡使李寶以多支俸粟折錢杖謫  
清水縣令

高衍爲吏部員外郎以擬選有私決杖降爲清水縣  
主簿

傅慎微字幾先其先秦州沙溪人遷居長安宋末登  
進士累官經制使兵敗入金爲禮部尚書修國史

蒲察婁室從元帥攻下西和州白撒由秦州進兵抵  
棧道宋人來拒婁室乘高立幟策馬旋走揚塵爲疑  
兵別遣精騎掩出其後宋兵大潰進丹州刺史

張中彥字才甫與秦鳳李彥琦攻宋將關師古下饒  
風關代彥琦爲秦鳳經畧使秦州當要衝而城不可  
守中彥徙治北山因險爲壘今秦州是也築臘家諸  
城以扼蜀道帥秦凡十年

李獻可字仲和大定十年中進士第世宗喜曰太后  
家有子孫舉進士甚盛事也累官戶部員外郎坐事  
降清水令終山東提刑使衛紹王卽位以元舅故追  
封道國公

元

直隸秦州新志

卷之三

雜記下

四

至元二十一年秦州總管劉發有罪伏誅

仁宗時秦州山移御史馬祖常言山不動之物今而  
動焉由在野有當用不用之賢在官有當言不言之  
佞故致然爾疏聞大臣皆家居待罪

初金之亡也唯秦鞏二十餘州久未下耶律楚材奏  
曰往年吾民逃罪或萃於此故以死拒戰若許以不  
殺將不攻自下矣詔下諸城皆降

元初併京兆四川爲一道以廉希憲爲宣撫使劉太  
平等將爲亂時關中無兵備命汪惟良將秦鞏諸軍

進六盤惟良以未得上旨爲辭希獻卽解所佩虎符銀印授之曰此皆身承密旨但辦吾事已飛奏矣鞏昌帥府言鎮戎州有謀爲叛者連引四百餘人希獻詳推之惟誅首惡五人

王楸從征西夏及秦州夏人盡撤橋梁爲備軍阻不得前楸夜督士卒運木石北曉橋成軍乃得進

世祖出王秦中以姚樞爲勸農使教民畊植又思所以化秦人乃詔許衡爲京兆提學秦人新脫於兵聞衡來莫不喜郡縣皆建學校民大化之

直隸秦州新志

卷之十一

雜記下

四

明

洪武初明昇守將丁世貞失文州來圍秦州五十日兵敗夜宿梓潼廟其下殺之

成化時秦紘服闋復任秦州尋擢鞏昌知府十三年巡撫山西以奏宗藩罪爲王所誣逮治無驗而內官尚亨籍紘家以所得敝衣數事奏帝歎曰紘貧一至此耶賜鈔萬貫旌之

嘉靖間帝幸承天河南巡撫胡纘宗以事辱陽武令王聯聯素兇狡爲巡按陶欽夔劾罷以殿父論死父

請出之復坐殺人不得解乃撫纘宗迎駕詩穆王八  
駿語爲謗詛言纘宗命已刊布不從屬欽夔論黜羅  
織成大辟候長至日令其子詐爲常朝官闌入闕門  
訟寃凡所不說悉構入之帝大怒立遣官捕纘宗等  
下獄法司盡得其誣罔仍坐聯父子碎然帝怒猶甚  
乃革纘宗職並除法司名承問者皆下詔獄焉

萬歷中廷推閣臣用於慎行李廷機葉向高而召王  
錫爵於家以爲首輔給事中胡忻以廷機之用朱賡  
實主之疏詆廷機並侵賡賡尋卒忻請停其贈謚疏  
直隸秦州新志  
卷之三 雜記下 四  
不省

李三才總督漕運淮人深德之及都御史缺需次內  
召而忌者日衆相繼劾之給事中胡忻等交章論救  
三才亦力請罷遂自引去其後乃爲東林辨白有曰  
以大臣之賢者言之則葉向高去矣王象乾輩去矣  
曹子沐胡忻去矣云云

洪承疇禦流賊於秦州賊遂越兩當襲破鳳縣分爲  
二將會漢興窺商雒適五省總督陳奇瑜以湖廣賊  
盡鼓行而西遣將扼諸要害賊見官軍肆集大懼悉

遁入興安之車廂峽諸渠魁李自成張獻忠等咸在焉峽四山嶮立中亘四十里易入難出賊誤入其中官軍蹙之可盡殲竒瑜不知大計許其偽降悉勞遣歸農旣出棧道遂不可復制焉

魏閹之黨有石三畏者爲忠賢十孩兒之一爲御史追論京察三變力詆李三才胡忻等十五人生者除名死者追奪鍛成楊左之獄一日飲醉誤令優人演劉瑾酗酒一劇忠賢怒削籍歸璫誅復起旋罷又有門克新者汝陽人由青州推官擢御史諂事璫請誅直隸秦州新志

卷之三

雜記下

四

熊廷弼復陷陳仁錫文震孟等並削籍遂巡按山東崇禎初引疾去瑞王常浩神宗第五子天啟末之藩漢中時流寇劇封地當賊衝王上書有曰督臣洪承疇單騎裹甲出入萬山賊始敗遁近境稍寧旣而鳳縣再陷蜀賊入秦州遂犯郡界幸諸將力拒賊方稍退云云亦可以想見當時情事

賸語

漢武帝末年遣隴西任立政等至匈奴招李陵歸陵  
弗歸時霍光上官傑素與陵善而立政等三人又皆  
陵故人故遣之

唐高宗總章中將幸涼州時隴右虛耗議者以爲非  
便高宗聞之召五品以上謂曰帝王五載一巡狩群  
后四年一朝此蓋常禮朕欲暫幸涼州乃聞中外咸  
謂非宜宰臣已下莫有對者詳刑大夫來公敏進曰  
陛下巡幸涼州布宣王畧求之故實未虛令與但隨

直隸秦州新志

卷之三

雜記下

四

時度事臣下竊有所疑高麗雖平餘寇尚梗西道經  
畧兵猶未停且隴右諸州人戶少寡供侍車駕備擬  
稍闕臣聞中外實有竊議高宗曰旣有此言我止度  
隴存問故老蒐狩卽還

唐相止贈一代權德輿罷相爲檢校吏部尚書興元  
節度使自潤州改葬其父於東都亡祖之域其祖倅  
終右羽林軍錄事叅軍因表納檢校吏部尚書兼御  
史大夫請回贈祖一官詔不許納官特贈倅尚書禮  
部郎中



獨孤郁權相子壻也歷掌內外制有美名憲宗歎曰  
我女壻不如德輿孔戣爲華州刺史奏江淮進海味  
道路擾人并其類十數條後上不記其名問裴晉公  
亦不能對久之方省乃拜戣嶺南節度有異政

憲宗時權長孺知監福建院贓敗有司上其獄崔相  
羣救曰此德輿族子上曰德輿不合有子弟犯贓使  
德輿自犯朕且不赦後知其母老免死杖一百流康  
州

宋丞相呂端器識遠大年五十六七猶爲太常丞克  
直隸秦州新志

卷之三

雜記下

吳

開封府判官時秦州楊平木場坊木筏沿程免稅而  
至京呂之親舊競托選買呂皆從而買之於是入官  
者多揀退材植值三司使發其事欲傾衆人無何呂  
獨當之認爲已買太宗赫怒俾臺司枷項送商於安  
置滅耳後猶簽書府申舊事怡然曰但將來但將來  
著枷判事自古有之

李繼隆討虜與轉運使盧之翰有隙欲陷之罪乃檄  
令辦芻粟期以八月出塞調發方集忽改十月適輸  
輓者散復檄云賊且入塞卽日進軍倉卒不可復集

遂奏轉運司乏軍興太宗大怒立遣使馳取轉運司  
三人首丞相呂端不敢言樞密副使錢若水請先推  
驗然後行誅未晚帝大怒入內若水留不去出復諫  
曰繼隆外戚貴重莫比今據其一幅奏書誅三轉運  
使雖有罪天下何由知之上意解乃先令責狀三人  
皆黜既而虜欲出塞事虛繼隆坐罷招討知秦州  
曹武穆公在秦州有士卒十餘人叛赴虜中軍吏來  
告公方與客奕棊不應軍吏亟言之公怒叱之曰吾  
固遣之去汝再三告何耶虜聞之亟歸語其將盡殺  
之

直隸秦州新志

卷之三

雜記下

四

曲端字平甫鎮戎軍人知書善屬文作字奇偉長於  
兵畧屢戰有聲知延安府時與節制王庶有隙金犯  
環慶端遣吳玠拒之戰少却劾玠違節制玠因恨之  
張浚信讒屢黜端後與金戰僞立前軍都統制曲端  
旗以懼之敵知其詐浚敗而愧將叙復之玠與庶以  
端嘗作詩云不向關中圖事業却來江上汎扁舟浚  
大忌之遂下端秦州獄使獄官給取其病狀端欣然  
引筆書之卽進械生之鐵籠熾火逼之殊極慘惡端

渴甚求飲與之酒九竅流血而死年四十一時建炎四年八月三日丁卯申時也陝西軍士皆流涕悵恨多叛去者浚尋得罪詔追復端官謚莊閔制曰屬委任之非人致刑誅之橫被與言及此流涕何追

陳了翁名重一時爲右司員外郎曾布欲引以附己屢薦於上了翁謂其子正彙曰吾與丞相議多不合今乃欲以官相餌吾有一書將遺之汝爲我書且曰郊恩不遠恐失汝官奈何正彙再拜願得書了翁喜明日持以見曾相於都堂適與左司朱彥會待於賓

直隸秦州新志

卷之十三

雜記下

四

次朱借讀其書動色布見之笑曰此書他人得之必怒布則不然雖十書不較也了翁退卽錄所上書以狀申三省曰瓘不達大體觸忤大臣伏乞敷奏早行竄黜遂出知秦州

書載藝文補遺

正彙後

坐罪流削坎廩不自悔云

唐時文武參用宋循其制慶歷初韓范龐王四公皆換觀察使以用兵擢之也龍圖閣直學士馬季良換

秦州防禦使非美遷也

曾布亦嘗知秦州其母朱氏乃徐氏外生手無中指

節故西樞亦然

西樞者布官也

世以其異故貴不知其氣所

傳自外氏諸徐諸徐在江南世以酒坊爲業早結於  
藝祖問以何爲異日驗徐氏曰某全家人手指不過  
存中節世謂徐鷄爪云

呂文靖生四子公弼公著公奭公孺皆少時文靖與  
夫人語四兒他日皆繫金帶但未知誰作相夫人使  
小鬟擊四寶器貯茶而往故跌碎之三子皆失聲獨  
公著凝然不動後果大拜公弼公孺皆曾官秦州

曹太尉彬天性仁恕下江南日不戮一人平居第宅  
每冬月不令修葺曰牆壁之間百蟲所蟄不可傷其  
直隸秦州新志

卷之三

雜記下

兕

生其愛物如此四子璨瑋珀琮皆享豐祿瑋琮先後  
歷秦州官

陳省華初爲隴城主簿後封秦國公子堯咨復知秦  
州三子皆貴秦公尚無恙每賓客至其家堯佐及仲  
季子侍立左右坐客踧躅不安求去公笑曰此兒子  
輩爾後天下皆以秦公教子爲法時人榮之

狄武襄每入陣輒披髮戴銅面具所向無敵其始故  
黥卒也既貴帝命去其面涅對曰臣以是得有今日  
竟不易後受命討儂智高旣至軍斬大將陳曙以違

節制時孫沔余靖皆在坐爲之股栗

韓魏公嘗言狄青爲副帥一日宴公惟劉易先生與焉易性素疎時優人以儒爲戲易勃然謂黥卒敢如此罵不絕口至擲樽俎以起而青氣殊自若不少動笑語溫然次日首造劉易謝之公於是時已知其有量云

李師中爲布衣父坐鎮戎退陣當斬韓公馳至鎮戎以賊衆我寡非諸將罪且欲戮其爲首一人師中父在貸中方請於朝會師中試南宮遂上書論公募民直隸秦州新志

卷之三

雜記下

辛

爲兵往應賊大擾乞斬公以謝陝西旣不行後有疑公必執政有罪勿害師中者公笑曰彼是時以子救父豈可加罪人聞之咸服其公恕而師中猶未之信後擢爲兩制方愧服且深謝之師中亦嘗知秦州有政績

宋初以私市秦隴竹木獲譴者又有翰林使杜彥圭四廂都指揮使趙延溥武德副使竇神興左領軍衛上將軍祁廷訓駙馬都尉王承衍魏咸信

理宗時有知秦州龔渠觀史舊文非此秦州也

元順帝至正十五年徵徽州隱士鄭玉爲翰林待制  
不至恐或是江南之徽州謹從闕疑

直隸秦州新志

卷之三

雜記下

五

別錄

渾儀

伏羲氏立渾儀測北極高下量日影短長定南北東西觀星間廣狹自伏羲甲寅年至宋大中祥符三年庚戌歲積三千八百九十七年宋時常顯符傳顯符當淳化初為司天監表請造銅渾儀至道元年渾儀成至是顯符上其法要十卷序之云云按從來言渾天無以為伏羲造儀者獨顯符云然以理推之當不誣也又溯其甲寅年蓋只在黃帝六十一年甲子前二百五十年耳其說尤近而可信是時邵子猶未生其經世紀年且本諸此矣故特表出之亦足以破千古之疑

甲歷

直隸秦州新志

卷之士

雜記下

五

伏羲在位百一十年始有甲歷五運

通

伏羲紀陽氣

之初為律法建五氣立五常定五行有甲歷五運

通鑑

外紀 觀此益可為立儀之一證蓋不測儀何以有歷也

重卦

伏羲德合上下天應以鳥獸文章地應以龜文圖書

乃則象作易

禮緯合文嘉

帝曰惟天至仁於草生月天兩

降河龍馬負圖神開我心

古三墳

庖羲作八卦始有筮

古文

伏羲造八卦始作三畫以象二十四氣因而重

之爻象備矣

通鑑外紀

六書

伏羲氏始畫八卦命臣飛龍氏造六書

古三墳

太昊作

龍書

墨藪

庖犧成八卦蒼頡創六文鳳羽其字韋理成

文豈但人力亦猶天授

顧野王語

琴

伏羲氏斲木為琴綸絲為絃二十有七而音樂自是

興

古史

琴自伏羲作

白虎通

伏羲削桐為琴面圓法天底

平象地龍池八寸通八風鳳池四寸象四氣

蔡邕論

庖犧作琴以修身理性反其真也

琴操

伏羲樂曰立基

直隸秦州新志

卷之十三

雜記下

五

樂書

瑟

伏羲氏作二十五絃之瑟

通歷

庖犧瑟五十絃黃帝使

素女鼓瑟哀不自勝乃破為二十五絃

世本

瑟潔也使

人精潔於心淳一於行

今

朱襄氏使士達作五絃之

瑟

呂氏春秋

伏羲作瑟三十六絃蓋瑟屬陰故用十六之

數

世紀

簫

伏羲氏作簫十管簫肅也其聲肅肅而清也

禮通



管

女媧氏命娥陵氏制都良管以一天下之音命聖女

氏為班管合日月星辰名曰充樂既成天下無不得

理御覽帝系譜

笙

女媧氏作笙簧笙生也象物貫地而生以匏為之其

中空而受簧也世本

笛

黃帝使伶倫伐竹於昆谿作笛吹之作鳳鳴史記

直隸秦州新志



卷之十一

雜記下

音

黃帝時西王母獻昭華玉瑤漢入關中得秦府庫所

藏有笛長二尺二寸亦明昭華瑤

事物紀元

律呂

黃帝作律呂以玉為管長徑尺六孔為十二音以象

鳳凰之鳴其雄鳴者為律其雌鳴者為呂晉武帝時

汲冢亦獲玉律尚書中候曰用玉為律東漢以玉律

十二候氣先王之法也以六十律候氣蓋京房之陋

歟樂書

星歷

黃帝獲寶鼎迎日推筭晉灼曰策數也瓚曰日月朔望未來而推之故曰迎日史記

### 雙角

黃帝會群臣於泰山作清角之音橫吹之似兩鳳雙鳴二龍齊吟樂錄亦云蚩尤氏率魍魎與黃帝戰於涿鹿之野黃帝乃命吹角爲龍吟以禦之

### 夔鼓

昔東海流波山有獸焉其音如雷命之爲夔黃帝得之以皮作鼓擗以雷獸之骨聲聞五百里以威天下

直隸秦州新志

卷之十一 雜記下

五

### 箏

箏秦聲也按禮樂記箏五絃筑聲今并涼二州箏形如瑟不知誰所改易也李斯書云夫擊甕叩缶彈箏搏髀而歌呼嗚嗚快耳者正秦聲也楊惲書云家本秦也能爲秦聲曹丕詩云秦箏發新聲

### 缶

缶形如足盆或曰形如覆盆以四杖擊之昔秦趙會於澠池秦王爲趙王擊缶卽此右四條俱出省志按黃帝制作頗多以舊有生於天水之說故因記音樂而類及之又此地固秦之始封也故彈箏吹缶亦不嫌備錄云

松雪草書

明嘉靖庚戌巡按御史劉崙登天靖山謁李杜祠鐫趙子昂草書唐詩於石爲四碑置諸祠中并誌之曰趙松雪書法蚤歲得之王右軍後有感於管夫人之言乃自成一派而風格不羣膾炙人人者亦不在右軍下然其傳盛於江之南北余入秦偶見此本守巡李君時達請付諸石余惟秦中漢唐古地也故唐以前法帖居多人習見之參之以是豈寶藏之良玉溘暑之冰甌不將使人一快觀耶因誌之以見刻者之意

直隸秦州新志

卷之十三

雜記下

六

少陵石刻

國初巡憲宋公荔裳集蘭榻淳化帖晉唐以來名書親爲鈎勒寫杜工部秦州雜詩二十章鐫之於石置署齋中有摹榻者稱爲二絕其後道署奉裁石刻不知散軼何處人多惜之

直隸秦州新志卷之十三雜記下終

